



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material



129

202  
4.2.43

57

ԿԱՆ ՅԱՐԱԿՑՈՒԹԻՒՆ  
ԸՆԴ ՄԵՋ

ՀԻՆ ԵՒ ՆՈՐ

ԿՏԱ. ԿԱՐԱ. ՆԱՅ

Ա. Ջիսուսապետալ

Ի ԳԵՂՈՐԳԱՅ ԱՒԵՏԵԱՆ ԶԱԲԱՐԵԱՆՅ



20  
3-24

ՐՈՒՍԱՂԷՄ

Ի ՍՐԲՈՅ ՅԱ. ԿՈՎԻՆԱՆՅ

1875

2018

118  
ՄԱՐԳԱՐԷԱ ԿԱՆ ՅԱՐԱԿՅՈՒԹԻՒՆ

22 / ԸՆԴ ՄԷԶ

# ՀԻՆ ԵՒ ՆՈՐ ԿՏԱԿԱՐԱՆԱՅ

Աշխատասիրեալ

Ի ԳԻՈՐԳԱՅ ԱԻՆՏԵԱՆ ՋԱԳԱՐԵԱՆՅ  
ԵՒ ՎԵՐԸՆԵԱԵԱԼ ՏՊԱՐԱՆԻ Ս. ԱԹՈՒՈՅՆ  
ԵՐՈՒՍԱՂԷՄԻ

1010 / 41323



ՅԵՐՈՒՍԱԳԵՄ

Ի ՏՊԱՐԱՆԻ ՍՐԲՈՑ ՅԱԿՈՎԸԵԱՆՅ

1875

38609 ա. հ.

Ի ՀԱՅՐԱՊԵՏՈՒԹԵԱՆ Ս. ԷԶՄԻԱՆՆԵՐ

Տ. Տ. ԳԼՈՐԳԱՅ Դ.  
ՎԵՀԱՓԱՌ ԿԱԹՈՂԻԿՈՍԻ

Հ Ր Ա Մ Ա Ն Ա Դ

ՊԱՏՐԻԱՐԻՒ ԵՐԲՈՅ ԵՐՈՒՍԱԿԼԵՄԷ

Տ. Ե Ս Ա Յ Ե Ա Յ

ՍՐԲԱԶԱՆ ԱՐՔԵՊԻՍԿՈՊՈՍԻ

ԵՒ Ի ՊԱՏՐԻԱՐԻՒԹԵԱՆ Կ. ՊՕԼԱՈՅ

Տ. Ն Ե Ր Մ Ի Ս Ի

ՍՐԲԱԶԱՆ ԱՐՔԵՊԻՍԿՈՊՈՍԻ

2203060

Յ Ա Ռ Ա Ջ Ա Ր Ա Ն

Թի՛ ՚ի հուռնն և թէ՛ ՚ի նորումս բազումք ուր-  
աստ լինին զհնութենէ Աստուածաշունչ մատենից  
համ զլենեղնն նորս սուրբ և աստուածեղէն տառ :  
Այլ թէ՛ ՚ի յետնոց ոմանց ասնն գրեալ այն իբր  
սողգային պատմութիւնն ինչ , և ըստ քմաց զբողին  
լն անհաստայն պլաքանութեամբ , որով և յա-  
րակցութիւնն նորս ընդ Նոր Կտակարանի՛ յորում  
նախաձայնեալ ամենայն օրէնք և մարգարեութիւնք  
վերաբերին առ սնձն , առ պաշտօն , առ փառս և  
պատիւ Տեառն մերոյ Յիսուսի Քրիստոսի Փրկչին  
սողգի մարդկան , մերժի և ճշմարտութիւնն սրբոյ  
Աւետարանին ստի = Քանզի հիմն և նկարագրու-  
թիւնն Նորոյ Կտակարանի է Հին Կտակարանն ,  
որ ուրանայ զՀինն , ուրացեալ է և զՆորն :

Բայց Պօսուէ մեծիմաստ Եղիսկոպոսն գեղե-  
ցիկս յանդիմանէ զպարաչար դատողնն աստուածե-  
ղէն մատենից , յասելն իւրում . “ Յայս ամենայն  
վնէս որ արդեօք զարմացուցին զքեզ խարդաւանե-  
ցան ամբարիշտք՝ իուսասիւիւ կամեցեալ ՚ի նշանայն  
և ՚ի մարգարեութեանց : Այլ մի կարծեսցեն և  
Աստուծոյ խուսափել , պահեաց նոցա ՚ի հոգե-  
շունչ պատգամն այլ աստուածեղէն կնիք անգծե-  
լն յոտիսոյ , այն ինքն է աղխողսունն երկուց Ար-  
տակարանաց : Քանզի անհակառակելի է այս ինչ ,  
կանխադոյն զու Հնոյ Կտակարանի քան զՆոր Ար-  
տակարանն : Զէր ՚ի միջև այլ Եղբաս , որ նոր յա-  
րինել մատենն և մոզեցէ զՀրեայս , կամ խարդա-

խել զայն առ 'ի Հնորհուկս քրիստոնէից , զոր հա-  
լածէին : Զուր է աւելի իմն ասել զայոցանէ , 'ի  
միաբանութենէ երկուց Կտակարանաց ստուգիւ 'ի  
միւրայ հասանեմք , թէ աստուածեղէն են երկրորեանս :  
Մի է դիտաւորութիւն երկոցուն նոցա , և մի ուշ  
ունին նպատակի : Կա յարգարէ զաւելոյ կատա-  
րելութեան , զոր եկեալ սորա ակն յանդիման ցու-  
ցանէ : Կա արկանէ զհինն շինութեան , եւ աս  
դիտաւորէ , և զոր նա կանխաձայնեաց , սա յառաջ  
մատուցեալ զկատարումն եցոյց ամենայնիո : Ահպք  
ազգաց Բ . հատոր , երես 223 :

Ուստի և ես առ 'ի հաստատութիւն ճշմարիտ  
գրութեան մեծիմաստ հօրս , և 'ի ստուգութիւն  
այնորիկ աշխատ կալայ 'ի մի վայր ժողովել զա-  
մենայն մարգարէութիւնսն խօսեցեալք զՔրիստո-  
սէ , որք 'ի ծննդէն աշխարհի մինչեւ ցպարուտ  
նորս գտանին 'ի Սուրբ Գիրս Հնոց Կտակարանի .  
ունելով ինձ օգնական զկիսարանութիւն Ս . Գրոց  
եւ Հարց Սրբոց մեր եւս օտար ազգաց , Հարց և  
Պատասխանի ձեւով . յուսով զի բաւական լիցի  
այն բառնալ զգայնակրութիւն ուրացողաց զճրչ-  
մարտութենէ և զարակցութենէ երկուց աստուա-  
ծեղէն մատենիցս :

Գեորգ Աւետեան  
Զմբարեանց :

ՄԱՐԳԱՐԷԱԿԱՆ ՅԱՐԱԿՑՈՒԹԻՒՆ  
ԸՆԴ ՄԵՋ  
ՀԻՆ ԵՒ ՆՈՐ  
ԿՏԱԿԱՐԱՆԱՅ

ՀԱՐՑ ԵՒ ՊԱՏԱՍԽԱՆԻ

Հարց . Ձի որովհետեւ գլխաւոր  
առարկոյ Նոր Կտակարանի է Տէրն  
մեր Յիսուս Քրիստոս և Աւետարանն  
Սուրբ , ասա՛ , ո՞ք են երեւելի յառ-  
կութիւնք կամ հանգամանք անձին  
Քրիստոսի խօսեցեալ զնմանէ 'ի Հին  
Կտակարանի անդ :

Պատասխանի . Բայ 'ի յօրինակաց  
և 'ի խորհրդաւոր նշանաց Քրիստոսի  
եւ Աւետարանի նորին , որք գտանին  
'ի հին օրէնսն 'ի պաշտմունս Եբրայե-  
ցոց , այսինքն սեղան և տաշտօնեայք

նորա, Յրէնք եւ սպասաւորք նորա .  
 ժողովուրդք և քահանայապետք նորա .  
 պատարագ և զենուճն նորա, և այլն .  
 են և պէսպէս յայտնի նկարագրու-  
 թիւնք, որք են գուշակութիւնք վե-  
 րաբերեալ առ Քրիստոս Փրկիչն մեր,  
 բազմօք յառաջ քան զգալուսա նորա  
 յաշխարհ ՚ի փրկութիւն ազգի մարդ-  
 կան :

Հ. Չինչ է առաջին գուշակու-  
 թիւն վասն գալստեան Քրիստոսի :

Պ. Ի Ծննդոց ՚ի գլ. Գ. հմ. 15.  
 ուր Աստուած ասէ ցօձն, «Եղից թըշ-  
 նամութիւն ՚ի մէջ քո և ՚ի մէջ կնո-  
 ջըդ, և ՚ի մէջ զաւակի քոց և ՚ի մէջ  
 զաւակի դորա . նա սպասեսցէ քու՛մ  
 գլխոյ . և դու սպասեսցես նորին գա-  
 շապարի :

Հ. Ուրանօր կատարեցաւ այս  
 գուշակութիւն :

Պ. Ի Քաղատացւոց ՚ի գլ. Գ.  
 հմ. 4. ուր գրէ, «Այլ իբրեւ եկն  
 լուսն ժամանակի առաքեաց Աստ-  
 ուած զՈրդին, որ եղեւ ՚ի կնոջն » :

Եւ ՚ի Յովհաննու առաջին ՚ի գլ. Գ.

հմ. 8. գրէ, «Որ առնէ զմեզս ՚ի սա-  
 տանայէ է, զի ՚ի սկզբունէ սատանայ  
 մեզանցէ, վասն այնորիկ յայտնեցաւ  
 Որդին Աստուծոյ, զի լուծցէ զգործս  
 սատանայից : Արպէս է և այս բան Պո-  
 սիւէ եպիսկոպոսի յասել նորա . «Այլ  
 մինչ ահիւ տագնապեն զմեզ ահաւոր  
 դատաստանք Աստուծոյ, սքանչա-  
 ցուք՝ զի արդ առ նմին յուրախականնե-  
 հայեցուցանէ ՚ի վեր զմիտս . և անդրս  
 արին յորէ կորստեան մերոց յայտ յան-  
 դիման ցուցանէ զհանգերձեսոյն մեր  
 ազատութիւն : Յձիւն, որ բազմապա-  
 տիկ սողոսկելովն տպաւորագոյնս նկա-  
 րէր զփնաստկար հրապոյրս և զպատ-  
 րողական հնարս այսոյն չարի, յայտ-  
 տանէ Աստուած նախամօրն Եւայի  
 և զնողիարի նկարագիր զարժանին պա-  
 տուհաս ոստի նորա պատրելոյ Հարկ  
 ՚ի վերայ կայր օձին ատելի լինել ամե-  
 նայն կենդանեաց . զոր օրինակ և սա-  
 տանայ անիծապարտ էր քան զամենայն  
 արարածս . և որպէս ՚ի վերայ լանջաց  
 և որովայնի իւրոց քարչի օձ ընդ եր-  
 կիր, և սատանայ իրաւապէս թօթա-

վեալ յերկնից, ուր ստեղծեալն էր, ոչ եւս վերականգնեսցի :

Հող ուտել ասացաւ օձին 'ի նշաւակ վայրաքարչ խորհրդոց, զորս ազդէ 'ի մեզ սատանայ . և իւր իսկ խորհուրդք ամենայն երկրաքարչք են . զի ոչ այլ ինչ խորհի նա, բայց միայն ըզմեզս : Յանհաշտ թշնամու թեան անգ մարդկայինս ազգի ընդ սատանայի աւիրն յայտնի տեսանեմք զյազթանակն որ մեզ պահեալ կայ : Ձի ահաւասիկ աւետարանի մեզ Ձաւակ Յորհնեալ, որով ջախեսցի գլուխ պատրողին, սանձակոծեսցի ասեմ ամբարտաւանութիւն նորա, և խայտառակեսցի թագաւորութիւն նորա ընդ ամենայն երկիր : Ձաւակն օրհնեալ է կուսածինն Քրիստոս, յորում միայն չմեղաւ Ագամ . քանզի եւ աստուածահրաշ օրինակաւ ծագեաց յԱգամայ, յղանալով ոչ 'ի մարդկանէ, այլ 'ի Հոգւոյն Սրբոյ : Այդ սովին շնաշխարհիկ զաւակաւ, կամ թէ 'ի ձեռն կնոջն որ զնոյն ծնաւ, որպէս ունին աստանօր լնթերցուածք զանազանութիս, հան

դերձեալ էր նորոգել զեղծեալ ազգ մարդկան, և բառնալ զըօրութիւն իշխանի աշխարհիս, որ յիւրոյն ինչ ոչ եգիտ 'ի Քրիստոսոս : Վէպք ազգաց Ա. հատոր, երես 253 . և որ կնի նորին :

Հ. Ձինչ է յետագայ յայտնի գուշակութիւն վասն Քրիստոսի :

Պ. Ի Մննդոց գլ. ԺԸ. հմ. 18. և ԻԲ. հմ. 18. ուր ասէ Աստուած . “ Այլ Աբրաամ լինելով լինիցի ազգ մեծ և 'ի բազում, և օրհնեսցի 'ի նա ամենայն ազգ երկրի ” : Եւ եւս “ Եւ օրհնեսցին 'ի զաւակի քում ամենայն ազգ երկրի, փոխանակ զի լուար ձայնի իմում ” :

Հ. Արով երեւի թէ այս խոստացեալ զաւակն է Քրիստոս :

Ի Գաղ. 'ի գլ. Գ. հմ. 8. գրի . “ Յառաջագոյն գիտէր գիր, թէ 'ի հաւատոց անտի արգարացուցանէ Աստուած զհնթանոս . յառաջագոյն խօսեցաւ Աբրահամու . թէ 'ի քեզ օրհնեսցին ամենայն ազգ ” : Գարձեալ 'ի նոյն 'ի հմ. 16. ասի “ Իսկ Աբրահամու խոստացան աւետիքն, եւ զաւ



ւակի նորա . և ոչ ասէ զզաւակաց իբւ  
րեւ զբազմաց , այլ իբրեւ զմիոյ . թէ  
և զաւակի քում , որ է Քրիստոս » :

Եւ ՚ի Մատթ . ՚ի ճննդաբանու  
թեան Քրիստոսի գրի , « Գիրք ճննդեան  
Յիսուսի Քրիստոսի որդւոյ Գաւթի .  
որդւոյ Աբրահամու » . Ս . 7 :

Զնոյն է տեսնել և յայս պանծալի  
բան Պոփւէի յասելն նորա վասն  
խոստման Աստուծոյն ՚ի զաւակի Աբ-  
րահամու օրհնելն ամենայն ազանց .  
այսինքն՝ խոստանայ Աստուած Աբրա-  
համու ՚ի նմա և ՚ի զաւակի նորա .  
օրհնիլ ամենայն ազանց . զի ամենայն  
ազգ և ազինք՝ որ կուրացեալ մոռա-  
նային զԱրարիչ իւրեանց , նովաւ կը  
չեսցին յԱստուած գիտութիւն՝ յորում  
տիրապէս և օրհնութիւն : Սովաւ հայր  
կարգեցաւ Աբրահամ ամենայն հա-  
ւատացելոց և զաւակ նորա աղբիւր  
օրհնութեան , որ արբուցանելոց էր  
զամենայն անկեղբա :

Աւասիկ շառաւիղն օրհնութեան  
խոստացեալ Յսայեսոյ , նոյն եւ ուղեչ  
և շառաւիղ Աբրահամու : Վէսլք ազ

գաց Ս . հատոր , երես 272 :

Հ . Բաց ՚ի յԱբրահամու այլ ում  
եւ Աստուած զխոստումն գալտեան  
Քրիստոսի :

Պ . Սահակայ որդւոյ Աբրահամու ,  
լատ այնմ թէ՛ « Եւ բազմացոցից ըզ  
զաւակ քո իբրեւ զաստեղս երկնից ,  
եւ տացի զաւակի քում ամենայն եր-  
կիրս այս . և օրհնեսցին ՚ի զաւակի  
քում ամենայն ազգք երկրի : Ի Ծնըն-  
դոց ԻԶ . 4 :

Զնոյն ասէ Աստուած և Յակոբոյ  
որդւոյ Իսահակայ . « Եւ եղիցի զաւակ  
քո ասէ , իբրեւ զաւաղ երկրի . և ընդ  
դարձակեսցի ընդ ծովակողմն և ընդ  
արեւելք . և ընդ հիւսիս և ընդ հա-  
րաւ . եւ օրհնեսցին ՚ի քեզ ամենայն  
ազգք երկրի և ՚ի զաւակի քում » : Ի  
Ծննդոց ՚ի գլ . ԻԲ . հմ . 14 :

Հ . Մարգարէացան և Յակոբ որ-  
դի Իսահակայ վասն գալտեան Քրիս-  
տոսի :

Պ . Այս , զի ՚ի ժամ մահուան իւ-  
րոյ խօսեցաւ ընդ որդւոյ իւրում Յու-  
դայի և ասէ . « Մի սրակասեցի ի շնան

ի Յուդայ . և մի պետ յերանաց նորա .  
մինչեւ եկեսցէ նա , որոյ իւրն է հան-  
դերձեալքն . և նա է ակնկալութիւն  
Հեթանոսաց : Ի Մենդոյ 'ի ԿԼ . ԽԹ .  
հմ . 10 :

Հ . Զիսորդ իմանաա թէ այս մար-  
գարէութիւն կամ օրհնութիւն Յակու-  
բու առ որդի իւր Յուդա է նախա-  
գուշակութիւն վասն գալստեան Քր-  
իստոսի :

Պ . Մախ՛ զի յասելն թէ , մինչեւ  
եկեսցէ նա , որոյ իւրն է հանդերձեալ-  
քն , և նա է ակնկալութիւն Հեթա-  
նոսաց , յայտնապէս նշանակէ զՔրիս-  
տոս , որ առաքեցաւ 'ի հօրէ 'ի փր-  
կութիւն հեթանոսաց , ըստ այնմ թէ .  
« Իսկ զոր հայր սրբեաց եւ առաքեաց  
յաշխարհ , դուք ասէք թէ հոյհոյեսո՞  
Յովն . Թ . 36 : Դարձեալ թէ . « Որպէս  
զիս առաքեաց յաշխարհ , և ես առա-  
քեցից զնոսա յաշխարհ : Եւ 'ի վերայ  
նոցա ես սուրբ առնեմ զանձն իմ . զի  
եղիցին և նորա սրբեալք ճշմարտու-  
թեամբ : Այլ ոչ վասն նոցա միայն ա-  
զաչեմ , այլ և վասն ամենայն հաւա-

տացելոց բանիւ նոցա յիս : Զի ամե-  
նեքեան մի իցեն , որպէս դու Հայր  
յիս . և ես 'ի քեզ . զի և նորա 'ի մեզ  
իցեն . զի եւ աշխարհ հաւատացէ ,  
թէ դու առաքեցեր զիս : Թե . 8-21 :  
Երկրորդ՝ որ ասի . մի պակասեցի իշ-  
խանութիւն 'ի Յուդայ , և մի պետու-  
թիւն յերանաց նորա , մինչեւ եկեսցէ  
նա . նշանակէ տեւելն այնց մինչեւ  
ցալըւստն Քրիստոսի , որպէս և 'ի ծը-  
նանիլն Քրիստոսի ամենայն իշխանու-  
թիւն և պետութիւն , մահ և կեանք  
բարձաւ 'ի տանէ Յուդայ և էանց 'ի  
ձեռս Հռովմայեցւոց :

Երրայեցիք իսկ առեալ էին զայս  
մարգարէութիւն վասն գալստեան Մե-  
սիային , որում մինչ ցարդ ակնկալեն .  
զի գայցէ նա հաստատել զթոռն  
Դաւթի : Եւ եթէ յայս մարգարէան  
կացցեն Հրէայք մինչեւ 'ի վախճան  
աշխարհի , տեսցեն զգալըւստ Քրիս-  
տոսի . բայց յայնժամ , յորժամ գայ-  
ցէ փառօք և հրեշտակօք 'ի գատել  
զազգ մարդկան , ուր կոծ և աղաչաւ  
իւրեանց յայնժամ անօգուտ լլցի :

Սոյնպէս է տեսանել և առ Պօսուէ եպիսկոպոսին յասելն նորա. «Յտես Յա հոբ՝ ասէ, հոգւովն զխորհուրդ այսր ընտրուածեան. քանզի իբրեւ 'ի պար զել հոգւոյն շւրջ պատեալ սրբիքն զմահձօքն՝ հայցելին զորհուծիւն բարւոյ հօրն, եցոյց նմա Աստուած զհանդերձեալ վիճակ ցեղիցն երկոտասանից յերկրին Աւետեաց :

Համառօտք էին բանքն, այլ հոծ մեծահրաշ խմաստիւք :

Գերասպանծ էին ամենայն պատգամքն, զորս խօսեցաւ վասն եղբարց Յուդայ, և 'ի վեր քան զմարդոյ աստուածազգեցիկ զօրուծիւն. այլ 'ի ժամանել առ Յուդա, խոյանայ և եւս սրաթուիչ լեղուն, ասէ, Յուդա, ըզքեզ օրհնեսցեն եղբարք քո. ձեռք քո 'ի վերայ թիկանց թշնամեաց քոց. երկիր պագչեն քեզ սրգիք հօր քո, կորիւն առիւծու Յուդա, 'ի շառաւիղէ ելեր սրգեակ իմ. ելեր բազմեցար. ննջեցեր իբրեւ զառիւծ. և իբրեւ զիորիւն առիւծու, ո՞ յարուցանէ ըզնա : Մի սպիասեսցի իշխան 'ի Յուդայ :

և այլն որ զինի :

Կարգ բանից մարգարէութեանս ակնարկէ ըստ գրոյն 'ի բաժինն որ հասանէր Յուդայի յերկրին Աւետեաց = Բայց յետին բանքն՝ որպէս զհարգ եւ կամք իցեն խմանալ, ցուցանէ նա ինքնն որ յԱստուծոյ գաղցոյ էր, պաշտօնեաց և թարգման կամաց նորա լըրումն աւետեաց, և թարգաւոր նորոյ ժողովրդեան, այն ինքն է Մեսիայն օծեալ Տեառն :

Առ Յուդա միայն խօսի Յակոբ յայտնապէս զՄեսիայէ, յորմէ ճնանելոցն էր. այլ 'ի նմա բովանդակէ հանգամանս համօրէն աղբին. զի զինի վարատելոյնդարձեալ ընդ գրօջիւ Յուդայի գումարելոց էին մնացորդք ժողովրդեանն : Ի սոյն մարգարէութիւն Յակոբայ ակն յանդիման երեւի, եւ կամի իմն ասել նահատեան՝ թէ յաւուրս Մեսիայի սպառեսցի ամենայն իշխանութիւն 'ի տանէն Յուդայ, որ է բնաբարձ քակտումն աէրուծեան =

Արդ՝ աւանիկ զժամանակ աւուրց Մեսիային 'ի կրկին նշանայ յայտ առ

նէ , ՚ի քանդելոյ իսպառ թագաւո-  
րութեան Յուդայի և ժողովրդեան Հը-  
բէից , և ՚ի յապնելոյ նորոյ թագա-  
ւորութեան ոչ միոյ միայնոյ ժողովը-  
գեան , այլ ամենայն ժողովրդոց , որոց  
ամենեցուն պետ եւ ակնկալութիւն  
Մեսայն լիցի : Վէպք Ա . հատ . 279 :

Հ . Յետ այսորիկ այլ որ մարգա-  
րեացաւ վասն գալստեան Քրիստոսի  
փրկչին մերոյ :

Պ . Աստուածախօսն Մովսէս մե-  
ծըն ՚ի մարգարէս ՚ի գիրս Օբինաց  
՚ի գլ . ժԸ . հմ . 15 և 18-19 , ա-  
սէ . “ Մարգարէ յեղաբոց քոց իբրեւ  
զիս յարուսցէ քեզ տէր Աստուած քո ,  
նմա լուիջիք : Եւս թէ , “ Մարգարէ  
յարուցից նոցա յեղբարոց իւրեանց  
իբրեւ զքեզ . եւ տաց զպատգա-  
մըն իմ ՚ի բերան նորա . եւ խօսեսցի  
ընդ նոսա , որպէս և պատուիրեցից նը-  
մա : Եւ մարդ՝ որ ոչ լուիցէ , զոր խօ-  
սիցի մարգարէն յանուն իմ , ես խընդ-  
րեցից վրէժ ՚ի նմանէ : ”

Հ . Բայց որով հաւաստի թէ այս  
մարգարէութիւն Մովսիսի էր վասն

գալստեան Քրիստոսի :

Պ . Սուրբն Ստեփաննոս նախավը-  
կայն Քրիստոսի , յորժամ առաջի քա-  
հանայապետին նկարագրէր վկայու-  
թեամբ նախահարց իւրեանց զգա-  
լուստ Քրիստոսի , եբեր և զայս մար-  
գարէութիւն Մովսիսի նշանակեալ ՚ի  
Քրիստոս , ասելով՝ “ Այս Մովսէս , որ  
ասաց զորգիսն Իսրայելի , Մարգարէ  
ձեզ յարուսցէ Տէր Աստուած յեղ-  
բարոց ձերոց իբրեւ զիս նմա լուիջիք .  
աս է՝ որ եղեւ յեկեղեցւոյն յանա-  
պատի ընդ հրեշտակին , որ խօսեցաւ  
ընդ նմա ՚ի լերինն Սինայ և ընդ հարսն  
մեր , որ ընկալաւ զպատգամս կենդա-  
նիս տալ մեզ : Գործ . Ա . ժԷ . 37, 38 :

Հ . Բայց ո՞չ որ յայսց երեւելի մար-  
գարէիցս՝ այսինքն Եսայեա , Երեմիա ,  
Եղիա , Եղիսէ , կամ այլ որ ՚ի յողնա-  
թիւ մարգարէից , էր նման Մովսիսի :

Պ . Այո՛ , ոչ մին ՚ի նոցանէ եղեւ  
նման Մովսիսի , բայց միայն Քրիստոս  
փրկիչն մեր , որ կատարեալ բարութիւն  
հրաշագործութիւնս ՚ի մեծ գաղտնա-  
ցըն Իսրայելի , որպէս Մովսէս ՚ի Յե-

17961



գիտարտու և յանապատին (\*) :

Ըստ այսմ է և բան Պօսուէի եւ պիսկոպոսին յասելն իւրում. «Յոր կաւ մեցեալ Մովսէսի ակնկալութիւն ժողովրդեանն ՚ի նա հարստել, վկայէ հաւատատու թեամբ գալստեան մեծի մարգարէին, որ ծնանելոց էր յաղպէն Աբրահամու, Իսահակայ և Յակոբայ » . « Մարգարէ՛ ասէ, յեղբարոց քոց իբրեւ զիս յարուսցէ բեղ Տէր Աստուածքո՛ւ, նմա լուիջիք » : Եւ ո՞ արդեօք մարգարէն այն իցէ հանգոյն Մովսէսի, օրէնսդիր իբրեւ զՄովսէս . եթէ ոչ նա ինքն Մեսիայ, որ բանիւ իւրով առաջնորդեսցէ և սրբեսցէ զամենայն տիեզերս :

Քրիստոսի էր անկ նախ առաջին զատուցանել ժողովուրդ նոր, որում և ասայն . « Պատուիրան նոր տամ ձեզ » . և դարձեալ, « Եթէ սիրէք զիս, ըզպտտուիրանս իմ պահեստիք » . և եւս

(\*) Բայց հրաշագործութիւն Քրիստոսի էր ՚ի մարդասիրութենէ՛ և Մովսէսին՝ առ ՚ի ընկձել զնստարտու թիւն Փարաոնի :

յայանադոյն . « Ասացաւ առաջնոյն թէ մի սպանաներ, բայց ես ասեմ ձեզ », և այլն որ զինի նովին ոճով և նովին իշխանութեամբ :

Մոյն սա է ապա նոր մարգարէն նմանեալ Մովսէսի, սուռոզն նորոց օրինաց, և զնմանէ ասաց մեզ Մովսէս ՚ի գուշակել իւրում զբալուստ նորա, եթէ « Նմա լուիջիք » . և ահա ՚ի լըրումն խոստմանս այսօրիկ ինքն իսկ Աստուած որոտաց ՚ի բարձանց զայս բարբառ աստուածային . « Իս է որդի իմ սիրելի ընդ որ հաճեցայ, զըմա լուարուք » :

Նոյն մարգարէն էր և նոյն Քրիստոս զոր սպաւորեաց Մովսէս օձիւն, պղնձեաւ, զոր կանգնեաց յանապատին : Հարկ էր մարդկայինս աղբի ՚ի նոյն հայելով օձ . այսինքն է ՚ի նա հաւատով՝ որպէս ինքն իսկ մեկնաբանէ՝ բժշկել ՚ի խայթուածոյ հնոց օձին, որով թունաւորեալք մահանամք ամենեքեան : Եւ ընդէր է ինձ զօձն միայն պղնձի ամել ՚ի յիշատակ : Ամենայն օրէնք Մովսիսի, ամենայն զոհք

նորա, քահանայն մեծ կարգեալ ՚ի նը մանէ այնչափ խորհրդական արարողութեամբք, մուտնորա ՚ի սրբութիւննրն. համառօտ ասել՝ ամենայն իսկ սրաշտամուկք հրէական օրինաց համօրէն՝ յորում ամենայն ինչ արեամբ սրբբէր, և գառն անգամ ղենեալ ՚ի մեծի տօնին որ Զատիկն կոչէր՝ ՚ի յիշատակ աղատութեան ազգին, այս ամենայն ոչ այլ ինչ նշանակէր՝ բայց միայն զՔրիստոս, որ արեամբն իւրով փրկագործեաց զժողովուրդն Աստուծոյ: Վէսք աղագայ, Ա. հատ. երես 295, ըստ այսմ է և բան սրբազան Առսքելյն Պողոսի յԵբբայեցիսն ՚ի գլ. 10. հմ. 1-15:

Հ. Յետ որոյ այլ ո՞րք եղեւ երեւելին ՚ի մարգարէից, որ զբազում գուշակութիւնս արար զՔրիստոսէ:

Պ. Դաւիթ մարգարէն՝ որ նախաձայնեալ է ՚ի Սաղմսարանի իւրում զբազում նշանաւոր յայտնութիւնս զՔրիստոսէ, այսինքն նկարագրէ զնորին մարդեղութիւնն, զարչարանս, զհամբարձումն, զպէստէս

սրաշտամուկն, զմարգարէութիւն, ըզքահանայութիւն, զթագաւորութիւն և այլն, զոր օրինակ.

Նախ՝ ձայնէ նա, թէ եկն նա յաշխարհ քարոզել զճմարտութիւն Աստուծոյ, աւետարանել զարդարութիւն վասն փրկութեան մարդկան, զանկատարութիւն և զանբաւականութիւն զո՛հից և պատարագաց Հրէից, ըստ այնմ թէ. «Բազում արարեր գուճէր Աստուած իմ զքանչելիս քո, և խորհրդաց քոց ոչ որ է, որ նմանիցի բեզ: Պատմեցի և խօսեցայ, և բազումք եղեն քան զթիւս. ընդ զո՛հս և ընդ պատարագս ոչ հաճեցար. լսելիս հաստատեցեր ինձ, զօղակեցս և ըզվասն մեղացն ոչ խնդրեցեր: Յայնժամ ասացի թէ, ահաւասիկ գամ ես, ՚ի գրուխո՞ գրոց գրեալ է վասն իմ: Առնել զկամս քո Աստուած իմ կամեցայ. և զօրէնս քո ՚ի մէջ որովայնի իմոյ: Աւետարանեցի զարդարութիւն քո յեկեղեցիս մեծս, ահա զըթուկս իմ ոչ արգելից ՚ի բէն: Տէր գու գիտացեր, զի զարդարութիւն քո ոչ ծածկեցի ՚ի

որտի իմուճ, զճշմարտութիւն քո և զփրկութիւն քո : Ասացի և ոչ թաւ գուցի զողորմութիւն քո և զճշմարտութիւն քո 'ի ժողովրդեանէ մեծէ ։ Սաղ. 1. Թ. 7-13 :

Եթէ այս մարգարէութիւն էր վասն Քրիստոսի՝ հաւաստի բանիւ սրբ բաղան Աւաքելոյն Պողոսի յասելն նորա . « Քանզի ոչ կարէր արիւն նոխա զացն և ցլուց բառնալ զմեզս . վասն որոյ 'ի մտանել իւրում յաշխարհ առ սէ . զոհս և զպատարագս ոչ կամեցար , բայց զմարմին հաստատեցեր ինձ . ընդ ողջակէզս և ընդ վասն մեզաց ոչ հաճեցար : Յայնժամ ասացի թէ . Ահաւասիկ եկի , 'ի ճառս դրոց դըրեալ է վասն իմ առնել զկամս քո Աստուած : Վերագոյնն ասէ , թէ ընդ զոհս , ընդ պատարագս և ընդ ողջակէզս և ընդ վասն մեզացն ոչ հաճեցար , և ոչ կամեցար , որ ըստ օրինացն մատչէին : Ապա ասէ , ահաւասիկ գամ առնել զկամս քո Աստուած , մերժէ զառաջինն , զի զերկրորդն հաստատեցէ : Արով կամօք և մեր սրբեցաք 'ի ձեռն

պատարագի մարմնոյ Յիսուսի Քրիստոսի միանգամ : Եւ ամենայն քահանայապետ կայ հանապաղորդ 'ի պաշտաման , և զնոյն պատարագս մատուցանէ բազում անգամ , որք ոչ երբէք կարողք են բառնալ զմեզս : Իսկ սա զմին վասն մեզաց մատոյց պատարագ , և մշտնջենաւոր նստաւ ընդ աջմէ Աստուծոյ ։ Եբր. Ժ. 4-12 :

Երկրորդ՝ ընտրութիւն Տեառն մերոյ 'ի միջոյ աղագացն Հրէից առ 'ի լինել փրկիչ և թագաւոր Իսրայէլի . կանխաւ գուշակեալ է 'ի Գաւթայ խորհրդաւոր նշանօք առ դէմս իւր , ըստ այնմ թէ . « Ի Տեառնէ է օգնութիւն սրբոյն Իսրայէլի թագաւորին մերոյ : Յայնժամ խօսեցար տեսլեամբ ընդ որդիս քո , և ասացեր . Եբից զօղնութիւն իմ 'ի վերայ հղորին , և բարձր արարից զընտրեալն 'ի ժողովրդեանէ իմ մէ : Գտի զԳաւթի ճառայ իմ և իւղով սրբով իմով օծի զնա : Ձեռն իմ ընկալի զնա , և բազուկ իմ զօրացուցէ զնա : Մի՛ մեղիցէ նմա թշնամի , և որդի անօրէնութեան մի չարչարես .

ցէ զնա : Հարից առաջն նորա զԹճնա-  
միս նորա , և զատելիս նորա 'ի պար-  
տուծիւն մաննեցից : Ճմարտուծիւն  
իմ և ողորմուծիւն իմ ընդ նմա , և  
յանուն իմ բարձր եղիցի եղջիւր նա-  
րա : Եդից 'ի ծովու զձեռն նորա , և  
'ի վերայ գետոց զաջ նորա : Նա խա-  
բասցէ առ իս՝ հայր իմ ես դու , Աս-  
տուած ընդունող փրկութեան իմոյ :  
Ես անդրանիկ արարից զնա և բարձր  
քան զամենայն թագաւորս երկրի :  
Յաւիտեան պահեցից նմա զողորմու-  
ծիւն իմ , և ուխտ իմ հաւատարիմ  
ընդ նմա : Հաստատեցից յաւիտեանս  
յաւիտենից զզաւակ նորա , և զաթոռ  
նորա որպէս զաւուրս երկնից : Սաղ-  
ճԸ . 16\_27 :

Քրիստոս կոչի անդրանիկ ամե-  
նայն արարածոց եւ թագաւոր թա-  
գաւորաց , ըստ այնմ թէ . « Որ է  
պատկեր աներեւուծին Աստուծոյ ,  
եւ անդրանիկ ամենայն արարածոց :  
Զի նովաւ հաստատեցաւ ամենայն  
ինչ , որ ինչ յերկինս , և որ ինչ յերկ-  
րի , որք երեւին , և որք ոչ երեւին ,

եթէ աթոռք , եթէ տէրուծիւնք , ե-  
թէ պետուծիւնք , եթէ իշխանու-  
ծիւնք , ամենայն ինչ նովաւ և 'ի նոյն  
հաստատեցաւ : Կող . Ա . 15\_16 :

Եւ 'ի Յայտնութեան Յովհաննու-  
ասի . « Եւ ունէր 'ի վերայ պատմուածանի  
իւրոյ և 'ի վերայ անդամոց իւրոց գիր  
գրեալ . Թագաւոր թագաւորաց եւ  
Տէր տերանց » : ԺԹ . 16 :

Ըստ այսմ է տեսնել եւ 'ի բան  
Սրբազան Պօսուէի հօրն , յասելն նա-  
րա թէ . « Աստուածային ընտրու-  
ծիւն յայ ինչ գերագոյն քան զոր թը-  
ւին 'ի վերին երեսս հայեցուցանէ ըզ-  
միտս : Յաճախ խոստացեալն անդ ու-  
րեմն Մեսիայն իբրեւ որդի Աբրահա-  
մու , հանդերձեալ էր ընել և որդի  
Դաւթի եւ թագաւորացն Յուդայ :  
Խոստումն Աստուծոյ առ Դաւթի՞մ ե-  
թէ աթոռ նորա կացցէ յաւիտեան ,  
'ի Մեսիայն ունէր զխատարումն եւ  
յանվախճան թագաւորութիւն նորա :  
Սողոմոն՝ որ ընտրեցաւ պայազատել  
զնա՝ օրինակէ զՄեսիայն . վասն որոյ և  
ասաց Աստուած զնմանէ . « Ես եղէց



նմա Հայր, և նա եղև ինձ յորդի” :  
Եւ յայտ է՝ զի ոչ ուրեք խօսեցաւ Աստուած այսպէս զումեքէ ՚ի Թագաւորաց կամ ՚ի մարդկանէ :

Այսպէս ՚ի վերքան զամենայն ժամանակս առ Գաւթիւ եւ որդւոյք նորա յայտնի լինէր խորհուրդ գալըստեան Մեսիային հրաշալի մարգարեութեամբք, որքան զարեգակն պայծառ և լուսաւոր էին” : Վէպք աղգաց Ա. հատոր, երես 316 :

Երրորդ՝ երգելն մանկանց ՚ի տաճարին՝ յորժամ Քրիստոս, Թագաւորն վառաց, մտանէր յերուսաղէմ, նախաձառէ Գաւթի Թ ՚ի Սաղմոսի իւրում, բառ այնմ թէ. “ Այսօր է զոր արար Տէր. Եկայք ցնձացուք և ուրախ եղևուք ՚ի սմա : Ո՛ Տէր փրկեա՛, ս՛ Տէր առաջնորդեա՛. օրհնեալ՝ որ գալոց ես յանուն Տեառն, և օրհնեցայք զքեզ ՚ի տանէ Տեառն : Տէր Աստուած մեր երեւեցաւ մեզ. արարէք սօնս ուրախութեան կանխաւ մինչեւ յանկիւնս սեղանոյ” : Սաղ. ձժԷ. 23-25 :

Գարձեալ՝ “ Համբարձաւ մեծօլայել

չութիւնք Ի վերոյքան զերկինս : Ի բերանոց մանկանց տղայոց և սաղնդեաց հաստատեցեր զօրհնութիւնք” : Սաղ. Ը. 2 :

Ըստ այսմ է տեսնել և ՚ի Մատ. ՚ի գլ. ԻԱ. հմ. 9. ուր ասի. “ Եւ ժողովուրդքն որք առաջի և զինի երթալին, աղաղակէին և ասէին՝ Օրհնութիւն որդւոյ Գաւթի. Օրհնեալ որդայ յանուն Տեառն, օրհնութիւն ՚ի բարձունս” :

Գարձեալ, “ Իբրեւ տեսին Քահանաւ յապետքն և Գալիլքն զքանչելին՝ զոր արար, և զմանկան՝ որք աղաղակէին ՚ի տաճարին եւ ասէին, Ովսանոս օրհնութիւն որդւոյ Գաւթի, բարկացան” : ԻԱ. 15 :

Եւ ՚ի նոյն գլուխ ձժԷ. հմ. 22. Գաւթի կոչէ զՔրիստոս “ Վէմն, զոր անարգեցին շինողքն, նա՛ ասէ, եղև գլուխ անկեան” : Քանզի վարդապետք և առաջնորդք Հրէից, որք պարտ էին լինել շինողք եկեղեցւոյն, որոյ վէմն էր Քրիստոս, անարգեցին : Սմին ազադու նա ինքն Քրիստոս տէրն մեր զայս

բան ՚ի դէմն ամէ նոցա ասելով. « Զի-  
ցէ՞ երբէք ընթերցեալ ձեր ՚ի գիրս .  
Վէմն՝ զոր անարգեցին շինողքն նա  
եղեւ գլուխ անկեան . ՚ի Տեառնէ ե-  
ղեւ այս , և է սքանչելի յաչս մեր » :  
Մատթ . ԻԱ . 42 :

Ըստ այսմ է եւ յԵփեսացիսն ՚ի  
գլ . Բ . հմ . 20-22, ուր ասի . « Շի-  
նեալք ՚ի վերայ հիման Առաքելոց և  
Մարգարէից : Որոց է գլուխ անկեանն  
Յիսուս Քրիստոս : Յորում ամենայն  
շինուածն յօգեալ և պատշաճեալ ա-  
ճէ ՚ի տաճար սուրբ տերամբ : Յո-  
րում և դուք ընդ նմին շինիք ՚ի բը-  
նակութիւն Աստուծոց հոգւով » :

Եւ ՚ի յԱռաջին Կաթողիկեացոց ա-  
սէ . « Քանզի կայ իսկ ՚ի գիրս . Թէ ահա-  
ւատիկ դնեմ ՚ի Սիօն վէմ ընտիր , գը-  
լուխ անկեան պատուական , և որ ՚ի  
նա հաւատաւոցէ , մի ամաչեցցէ : Զեզ  
այսուհետեւ հաւատացելոց վէմ պա-  
տուական . իսկ անհաւատիցն , վէմ՝  
զոր անարգեցին շինողքն , նա եղեւ  
գլուխ անկեան : Եւ վէմ՝ գլորման և  
վէմ գայթակղութեան նոցա , որք գայ-

թակղին ապտամբեալքն ՚ի Բանէն՝  
յոր և եդանն » : Բ . 6-8 :

Չորրորդ՝ նախաձայնէ Գաւթն նա  
և վասն չարչարանաց Տեառն ՚ի ձեռն  
իշխանաց և ժողովոգոցն Հրէից , ըստ  
այնմ թէ . « Ընդէր խռովեցան հեթա-  
նոսք , և ժողովուրդ խորհեցան ՚ի սը-  
նոտիս : Յանդիման եղեն թագաւորք  
երկրի , և իշխանք ժողովեցան ՚ի միա-  
սին վասն Տեառն և վասն օժեղոց նա-  
րա » : Մալ . Բ . 1-2 :

Ըստ այսմ է և ՚ի Գործս առաքե-  
լոց ՚ի գլ . Գ . հմ . 26-27, ուր ասի .  
« Որ ՚ի բերանոց Հօր մերոց Գաւթի  
ծառայիք ՚ի ձեռն Հոգւոցն Սրբոց ա-  
սացեր , Զմէ՞ խորհեցան հեթանոսք  
և ժողովուրդք խորհեցան ՚ի սնոտիս :  
Յանդիման եղեն թագաւորք երկրի ,  
և իշխանք ժողովեցան ՚ի միասին վասն  
Տեառն և վասն օժեղոց նորա » : Ժողո-  
վեցան արգարեւ ՚ի քաղաքիս յայսմիկ  
՚ի վերայ սրբոց Որդւոց քոց Յիսուսի ,  
զոր օժերն Հերովդէս և Պննտոս Պիղա-  
տոս աղգօք և ժողովրդովք Իսրայելի » :  
Հինգերորդ՝ գուշակէ Գաւթն ան-

գուժ թշնամանս, անտանելի չարչա-  
րանս և մահ, զոր կրեաց Յիսուս ՚ի  
Հրկից, ըստ այնմ թէ. «Շուրջ եղեն,  
զինեւ շունք բազումք, և ժողովք չա-  
բաց պաշարեցին զիս: Մակեցին զձե-  
ռքս և զոտս իմ, և թուեցին զամե-  
նայն ոսկերս իմ. նորս հայեցան եւ  
տեսին զիս: Քաժանեցին զհանդերձս  
իմ ՚ի մէջ իւրեանց, և ՚ի վերայ պատ-  
մուճանի իմց վիճակս արկանէին »:  
Սաղ. ԻԱ. 16-18:

Գարձեալ, « Ետուն ՚ի կերակուր-  
ինձ լեղի, և ՚ի ծարաւ իմ արբուցին  
ինձ քայտախ »: Սաղ. ԿԸ. 23: Եւ եւս,  
« Աստուած իմ, Աստուած իմ, նայեա-  
առ իս, ընդէր թողեր զիս »: ԻԱ. 1:

Այս ամենայն կատարեցան ՚ի Քր-  
իստոս ՚ի ժամ Զարչարանաց եւ ՚ի  
Խաչելութեան իւրում, զորոց ՚ի յԱ-  
ւետարանչաց նկարագրեալ է ամենայն.  
տէս ՚ի Մատթ. ԻԷ. 1-46: Ի Մար-  
կոս ԺԵ. 1-35: Ի Ղուկ. ԻԴ. 1-46.  
և ՚ի Յովհ. ԺԹ. 1-30:

Վեցերորդ՝ գուշակէ Գաւթիժ նաև  
զյարութենէ Տեառն, ըստ այնմ թէ.

« Զի ոչ թողցես զանձն իմ ՚ի դժոխս,  
և ոչ տացես սրբոյ քում տեսանել  
զապականութիւն: Յուցեր ինձ զճա-  
նապարհս քո կենաց. լըուցեր զիս ու-  
րախութեամբ երեսաց քոց ՚ի քաղց-  
րութենէ վայելութեան աջոյ քոյ մինչ  
խսպառ »: Սաղ. ԺԵ. 10-11: Եւ այս  
խկապէս կատարեցաւ ՚ի Քրիստոս.  
զի որպէս յայտ է, զինի երկց աւուրց  
յարեաւ նա ՚ի մեռելոց, և մարմին  
նորա ոչ ետես ապականութիւն, ըստ  
այնմ թէ. « Յառաջագոյն ծանուցեալ  
խօսեցաւ վասն յարութեան Քրիստո-  
սի. զի ոչ թողաւ ոգի նորա ՚ի դժոխս,  
և ոչ մարմին նորա ետես ապականու-  
թիւն: Գրք. Բ. 31:

Գարձեալ ՚ի նոյն ասի, « Զի զնոյն  
Աստուած կատարեաց առ մեզ որդիս  
նոցա յարուցեալ զՅիսուս. որպէս և  
՚ի Սաղմոսին գրեալ է յերկրորդում.  
« Որդի իմ ես գու, և ես այսօր ծնայ  
զբեզ »: Եւ զի յարոյց զնա ՚ի մեռե-  
լոց, և ոչ եւս դառնարոյ է յապակա-  
նութիւն: Այսպէս ասէ. « Եթէ տայ  
ձեզ զարբութիւնսն Գաւթի զհաւա-

տարիմ» . քանզի և ՚ի միւսուսմն ասէ ,  
 « Ոչ տալես սրբոյ քում տեսանել զս-  
 պականութիւն » : Այլ Դաւիթ յաղ-  
 գի անդ իւրում պաշտեաց , և ՚ի կամս  
 Աստուծոյ ննջեաց , եւ յաւելաւ առ-  
 հարս իւր . եւ ետես զապականու-  
 թիւն : « Բայց զոր Աստուածն յարոյց  
 ոչ ետես ապականութիւն » : ԺԳ . 33  
 — 37 : Եւ ՚ի Կորնթացիսն ասէ , « Ձի ես  
 ձեզ զնոյն նախ աւանդեցի . զոր և եսն  
 ընկալայ . թէ և Քրիստոս մեռաւ վասն  
 մեզաց մերոց ըստ գրոց : Եւ զի թա-  
 ղեցաւ , և թէ յարեաւ յաւուր երրոր-  
 դի ըստ գրոց . ԺԵ . 3—4 :

Եօթներորդ՝ նաև գուշակէ Դաւիթ  
 զհամբարձումն Քրիստոսի յերկինս .  
 զնստիլն ընդ աջմէ Հօր , զերկնային թա-  
 գաւորութիւն նորա , և ընկին քահա-  
 նայապետ ըստ կարգին Մեղքիսեդեկի .  
 ըստ այնմ թէ . « Լեառն ընդ որ հա-  
 ճեցաւ Աստուած բնակիլ ՚ի նմա .  
 քանզի և Տէր իսկ բնակեցցի ՚ի նմա  
 իսպառ : Կառք Աստուծոյ բերապա-  
 տիկք՝ հազարք ուղղիչք , եւ Տէր ՚ի  
 հոսս ՚ի Սինէ սրբութեան իւրոյ : Եւ

՚ի բարձունս և գերեաց զգերութիւն :  
 Էառ աւար , բաշխեաց պարգեւս , և  
 ետ որդւոց մարդկան . քանզի թերա-  
 հաւատից եւս բնակեալ եղիցին ՚ի նը-  
 մա » : Սաղմոս ԿԷ . 16—18 :

Ահա այս է յայտնի նկարագիր Քր-  
 իստոսի Փրկչին մերոյ , և ՚ի համբառ-  
 նայն յերկինս գերեաց զըշխանութիւն  
 սատանայի , և ետ պարգեւս որդւոց  
 մարդկան զնորհո հոգւոյն Սրբոյ , ըստ  
 այնմ թէ . « Այլ իւրաքանչիւր ումեր  
 ՚ի մէնջ տուեալ է շնորհս ըստ չափու  
 պարգեւեացն Քրիստոսի . վասն որոյ ա-  
 սէ , « Եւ ՚ի բարձունս գերեաց զգե-  
 րութիւն , եւ ետ պարգեւս որդւոց  
 մարդկան » : Եփես . Գ . 7—8 :

Եւ ՚ի Կորոսացիսն ասէ . « Մերկեաց  
 զըշխանութիւնս եւ զպետութիւնս ,  
 յայտ յանդիման խայտառակեաց նշա-  
 ւակեալ զնոսս յանձին իւրում ՚ի յա-  
 րութեան իւրում » : Եփես . Բ . 15 :

Գարձեալ ՚ի հարիւր իններորդում  
 Սաղմոսի ասի . « Ասաց Տէր ցՏէր իմ  
 նիստ ընդ աջմէ իմմէ մինչեւ եդից ըզ-  
 թշնամիս քո պատուանդան ոտից . բոց :

Գաւազան զօրութեան առաքեացէ քեզ  
 Տէր 'ի Սիօնէ . և տիրեսցես դու 'ի մէջ  
 թշնամեաց քոց : Ընդ քեզ է սկիզբն  
 առուր զօրութեան 'ի վայելչութիւն  
 սրբոց քոց յարգանգէ յառաջ քան  
 զտրուսեակ ծնայ զքեզ : Երգուաւ Տէր  
 և ոչ եւս զջատցի , թէ Գու ես քա-  
 ճանայ յաւիտեան ըստ կարգին Մեւ-  
 թիսեգեկի , և Տէր ընդ աջմէ քուսմի :  
 Այս մարգարէութիւն ամենայն իրօք  
 չաւատար թէ վասն Քրիստոսի ասէ  
 Գաւիթ . “ Ասաց Տէր յՏէր իմ ” , և  
 այն . ըստ այնմ թէ , “ Եւ 'ի ժողովի  
 վարիսեցեոցն եհարց յնոսա Յիսուս և  
 ասէ . Զիմարգ թուր ձեզ վասն Քրիս-  
 տոսի , որ որդի է . ասենցնա՛ Գաւ-  
 թի : Ասէ յնոսա Յիսուս , իսկ զիմարգ  
 Գաւիթ հօգւովն կօչէ Տէր և ասէ .  
 “ Ասաց Տէր յՏէր իմ , նիստ ընդ աջ  
 մէ իմմէ , մինչեւ եղից զթշնամիս քո  
 պատուանդան սոխց քոց ” : Մատ . ԻԱ .  
 41-44 : Ըստ այսմ է և 'ի Գործս Ա-  
 ռաքերոց , ուր ասէ , “ Զի ոչ եթէ Գա-  
 վիթ ել յերկինս . ասէ իսկ ինքն՝ Ա-  
 սաց Տէր յՏէր իմ ” , և այն որ զկնի :

Բ . 34-35 :

Եւ յԵփրայեցիսն ասի . “ Նոյնպէս  
 և Քրիստոս ոչ եթէ անձին ինձ շուք  
 եդ լինել քահանայապետ , այլ որ խօ-  
 սեցուա առ նա թէ՛ Որդի իմ ես  
 դու . ես այսօր ծնայ զքեզ ” : Որպէս  
 և 'ի միւսումն ասէ , “ Գու ես քահա-  
 նայ ըստ կարգին Մեւթիսեգեկի ” : Ե . 5, 6,  
 Գարձեօլ 'ի նոյնում ասէ , “ Եւ եւս  
 առաւել յայտ է , թէ ըստ նմանու-  
 թեան Մեւթիսեգեկի յայանեսցէ այլ  
 քահանայ : Որ ոչ ըստ մարմնաւոր  
 պատուիրանին եղեւ , այլ ըստ զօրու-  
 թեան կենայն անվախձանից : Քանզի  
 վիայեցաւ թէ . “ Գու ես քահանայ  
 ըստ կարգին Մեւթիսեգեկի ” : Ե . 15,  
 16 , 17 :

Եւ եւս . “ իսկ յորդին ասէ . Աթու-  
 քո Աստուած յաւիտեանս յաւիտե-  
 նից . գաւազան ուղղութեան , գաւա-  
 ղան արքայութեան քո . տիրեցեր զար-  
 գարութիւն և ասեցեր զանիրաւու-  
 թիւն : Վասն այնորիկ էօժ զքեզ Աս-  
 տուած Աստուած քո իւղով ուրա-  
 խութեան առաւել քան զինկերս քո ” :

ի նոյն, Ա. 8, 9 :

Եւ ՚ի Գործս Առաքելոց ՚ի ԿԼ. Ժ. Հմ. 38 ասէ, « ԶՅիսուս՝ որ ՚ի Նազարեթէ, զոր էօժ Աստուած Հոգւով Սրբով և զօրութեամբ :

Եւ ՚ի Յովհաննու ասէ. « Զի զոր Աստուած առաքեաց, զբանսն Աստուծոյ խօսի. զի ոչ եթէ չարիով տայ Աստուած զՏոգին՝ Հայր սիրէ զՍրբի, և զամենայն ինչ ետ ՚ի ձեռս նորա » Գ. 34, 35 :

Յայսմ ամենայնի յայտնապէս նը կարագրի թագաւորութիւն եւ քահանայութիւն Քրիստոսի յաւիտեան : Ըստ այսմ է եւ բան սրբազան Հօրն Պօսուէի յասելն իւրում. « Յառաջագոյն ետես զնա Գաւիթ՝ եւ երգեաց զնա դեղապանձ և անհամեմատ օրինակաւ : Բազում անգամ միտ եդեալ զիսուս որդւոյ իւրոյ Սողոմոնի հռչակել. ահա անդէն նորա հայր հոգւովն, և ՚ի հիացման եղեալ տեսանէր զմն գերագոյն փառօք և իմաստութեամբ բան զՍողոմոն : Տեսանէր զՄեսիայն բաղձեալ յաթու հաստատութեան

առաւել քան զարեւ և զուսին : Տեսանէր խոնարհեալ առ ոտիւք նորա զամենայն աղբս, եւ զամենեսին օրհնեալ ըստ խոստմանն եղելոց առ Աբրահամ : Եւ ՚ի վեր ևս կարողութեամբ կշռեալ զմիտս՝ տեսանէր զնա ՚ի վաշելութիւն սրբոց յառաջ բան զարուսեակ ծնանելով յաւիտենից ՚ի ծոցոյ հօր իւրոյ, քահանայապետ մշտն ջենաւոր. որում ոչ այլ զք յաջորդէ. և ոչ ինքն ումեք յաջորդեալ. անցեալ նստի քահանայապետ ոչ ըստ կարգին Ահարօնի, այլ ըստ կարգին Մելքիսեկի. կարգ նորահրաշ անծանօթ օրինաց անտի : Տեսանէր զնա նստեալ ընդ աջմէ Աստուծոյ, հայելով ՚ի բարձանց երկնից, արկեալ առ պատուանդանօք ոտիցն զթշնամիս իւր :

Հիացեալ Գաւթի ընդ չքնաղ տեսարանն, այլ յայլմէ լինի ՚ի փառաց որդւոյն. եւ Տէր իւր կոչէ զնա » : Ա. հատոր, երես 317 :

Ութերորդ՝ են և այլ և այլ նկարագրութիւնք երեւելի հանգամանաց անձին Քրիստոսի, զորս Գաւթիցն

ծալով երգէ յիօթանասուն և միերորդ  
դուժսազմասարանի իւրում թէ . « Աս-  
տուած զերաւունն քո արքայի տուր ,  
և զարդարութիւն քո որդւոյ թագաւ-  
որի » : և այն որ զինի , համար 1-20 :

Արդ՝ զնկարագրական մարգարէութի  
Գաւթի ոչ կարէաք իմանալ . եթէ էին  
այնք խօսեցեալ վասն Քրիստոսի Փրկչին  
մերոյ , բանղի՛րբազումս յայնցանէ երեւ-  
ւի զն Գաւթի նկարագրեալ է ՚ի դէմս  
իւր կամ որդւոյ իւրոյ Սողոմոնի , ե-  
թէ Քրիստոս ինքն , առարեալք նորա  
և վարդապետք եկեղեցւոյ ոչ էին վը-  
կայեալ զայնցանէ նշանակեալ ՚ի Քրիս-  
տոս . մանաւանդ զի եւ զբազումս  
յայնցանէ առեալ էին Հրէայք վասն  
գալստեան Մեսիային և թագաւորե-  
լոյ նորա որ ՚ի հարց անտի նոցա ա-  
ղինիայիւր , մանաւանդ ՚ի ժամանակին  
յոր ճնաւ Յիսաւս , վասն որոյ չը կարէ  
ոք տալ զայնս Գաւթի , կամ որդւոյ  
իւրոյ Սողոմոնի :

Հ . Յետ լսելոյ մեր զբազմօրինակ  
գուշակութիւնս Գաւթի մարգարէին  
վերաբերեալս առ Քրիստոս փրկիչն մեր ,

նչ և որդի նորա Սողոմոն նախագու-  
շակեալ է ինչ զՔրիստոս : :

Պ . Բազումք ՚ի հին եւ ՚ի նոր  
վարդապետաց Քրիստոնէից հաւաստի  
կարծիս տան թէ՛ ութերորդ գլուխ  
Աւակոյցն Սողոմոնի , յոր նկարագրէ  
նա զիմաստութենէ , այն ամենայն է  
նկարագիր Քրիստոսի , որ ըստ սուրբ  
Գրոց է իմաստութիւն Հօր , և զօրու-  
թիւն Հօգւոյն Սրբոյ : Ըստ այսմ է  
տեսանել առ սրբազան Պօսուէի Ե-  
պիսկոսոսին՝ զի գրէ թէ . « Արդ՝ ՚ի  
իմիտ առնումք զինչ է իմաստութիւն  
հաստատեալ ըստ Սողոմոնի յառաջ  
բան զյաւիտեանս ՚ի ծոց Աստուծոյ ,  
որով ուրախ լինէր նա , և հաստատեր  
նախաւ զամենայն գօրծս իւր : Արդ՝  
գիտեմք զայն՝ զոր ետես Գաւթի ծը-  
նեալ նախ քան զարուսեակ : Յայտնե-  
ցին մեզ մատեանք Նորոց Կտակարա-  
նաց , թէ սա է բանն՝ ներքին բարբաւ  
Աստուծոյ . և յաւիտենից իմաստու-  
թիւն նորա , որ ՚ի ծոց նորա կայ հա-  
նապտղ , և որով հաստատեցան ամե-  
նայն եղականքս : Վէտք աղգաց Բ . հա-

տոր, երես 30 :

Հ. Բայց ո՞չ նա Երգոց Երգոյն Սուղամօնի, յոր յաճախ երգէ զիեսայէ և զհարսնէ վերաբերի առ Քրիստոս և Եկեղեցի իւր :

Պ. Սոյնանման եւ այլաբանութիւնք և նմանութիւնք նաև մարգարէն Դաւիթ երգէ ՚ի գլուխ ԽԳ. Սաղմոսի իւրում, և ՚ի թղթոց ինչ Առաքելոց և ՚ի Յայտնութենէ Յովհաննու մեկնիչք Սուրբ Գրոց հասատեն, թէ “Երգոց Երգոյն Սուղամօնի է իսկայես հոգեղէն նկարագրութիւնն Քրիստոսի և Եկեղեցւոյ իւրոյ” :

Տէս և յԵփեսացիսն ՚ի գլ. Ե. հմ. 23, 24, 25 և 32 : Եւ ՚ի Յայտնութեան Յովհաննու գլ. ԽԲ. հմ. 16, 17 :

Հ. Յետ որոյ և այլ ո՞ եղև նախագուշակող զգալատենէ Քրիստոսի յԱստուածաշունչ Գիրս :

Պ. Եսայեա՛ որ կոչի Աւետարանական մարգարէ, քանզի սա նախազեկոյց զձնանկն Յիսուսի, և զբազմօրինակ դիպուածան Քրիստոսի, որք աւմենայն յօդանապէս երեւին յԱւե-

տարանին սուրբ = Այսինքն են, նախ՛ յայտ առնէ զձնանկն Յիսուսի ՚ի կուսէ, ըստ այնմ թէ. “Ղան այսորիկ տացէ ձեզ Տէր նշան. Ահա կոյս յղացի, և ծնցի որդի, և կոչեացն զանուն նորա Էմմանուէլ” : Եսայի Ե. 14 : Յայտ իսկ է. զի ըստ այնմ Մարգարէութեան ծնաւ Քրիստոս ՚ի Մարիամայ սրբոյ Կուսէն, ըստ այնմ թէ. “Եւ մինչքեռ զայս անէր զմտաւ և ահա՛ Հլրեշտակ Տեառն երեւեցաւ նմա և աւսէ, Յովտեփ, որդի Դաւիթ, Մի երկրնչիք առնուլ առ քեզ զՄարիամ կինքս. քանզի որ ՚ի նմայն ծնեալ է ՚ի Հոգւոյն Սրբոյ է. Ծնցի որդի, և կուչեացես զանուն նորա Յիսուս. զի նա փրկեացէ զժողովուրդ իւր ՚ի մեղաց : Այլ այս ամենայն եզեւ, զի լլցի, որ ասացան ՚ի ձեռն Եսայեայ մարգարէի : Ահա՛ կոյս յղասի, և այլն : Մատ. Ա. 20—23 :

Երկրորդ՝ յայտ առնէ, զի եղիցի նա յարմատոյ Յեսասայ կամ Դաւիթի. Թագաւոր Իսրայելի և հեթանոսաց, եւ թագաւորութիւն նորա կայցէ



յաւխտեան, ըստ այնմ թէ. « Եւ ե-  
զկցի յաւուր յայնմիկ արմատն Յեռ-  
սեայ, և որ կանգնեցոյն է իշխան հե-  
թանասոց, և ՚ի նա հեթանոսք յու-  
սասցին. և եզկցի հանգիստ նորա պա-  
տուով » : ՃԱ. 10 :

Գարձեալ, « Զի մանուկ ծնուե մեզ, որ-  
գի առաւ մեզ, որոյ իշխանութիւն եղև  
ի վերայ ուսոց իւրոց, և անուն կրչե-  
ցաւ նմա Հրեշտակ մեծի խորհրդոյ,  
պրանչելի խորհրդակից, Աստուած հը-  
ղոր, իշխան, Հայր հանգերձելոյ աշ-  
խարհին : Եւ ես ամկց զխաղաղութիւն  
ի վերայ իշխանոց նորա, և առողջու-  
թիւն նմա. մեծ է իշխանութիւն նա-  
րա, և խաղաղութեան նորա չիք սահ-  
ման : Կաթուն Գաւթի նստցի և զար-  
քայութիւն նորա յաջողեացէ : Եւ զը-  
ջոցուսցէ զնա իրաւամբք և արդա-  
րութեամբ, յայսմ հետէ և յաւխտեա-  
նըս ժամանակաց. նախանձ Տեառն  
զբութեանոյ արասցէ զայս » : Թ. 6, 7 :

Երրորդ՝ յայտ առնէ նա զմերձերն  
Հրեկց զՔրիստոս, եւ ընդունիլն հե-  
թանոսաց ՚ի Փրկիչ իւրեանց, ըստ այ-

նրմ թէ. « Եղևցի քեզ ՚ի սրբութիւն.  
և սանքո զբարի ոչ հարկանիցի, եւ  
գայթակղութիւն քեզ ոչ պատահեա-  
ցէ » : Բ. 14 :

Ըստ այսմ է, որ գրի ՚ի Հատկա-  
յեցիս թէ, « Արդէս գրեալ է, ահա  
ւասիկ գնեմ ՚ի Սիօն զբար գայթակ-  
ղութեան, և զվէմ գլորման, և ամե-  
նայն որ հաւատասցէ ՚ի նա, մի ամա-  
չեացէ » : Թ. 33 :

Եւ ՚ի յառաջին Կաթողիկեայց ա-  
սէ. « Եւ զվէմ գլորման և զվէմ գայ-  
թակղութեան նոցա, որք գայթակղին  
և ապստամբեալքն ՚ի բանէն, յոր և  
եդանն » : Բ. 8 :

Նաեւ յայտ առնէ նա զհերգերն  
Հրեկց զՔրիստոս, և դարբան, զարս հա-  
սուցին նմա, ըստ այնմ թէ. « Տէր,  
ո՞ հաւատաց ըոյ մերում և բազուկ  
Տեառն ո՞ւմ յայտնեցաւ : Պատմեցաք  
առաջի նորա իբրեւ զմանուկ. իբրեւ  
զարմատ ՚ի ծարաւուտ երկրէ, ոչ գար  
նորա տեսիլ, և ոչ փառք. տեսաք մեք  
զնա, և ոչ գար տեսիլ, և ոչ գեղեց-  
կութիւն, այլ տեսիլ նորա անարգ,

նուաղեալ քան զամենայն որդւոց  
մարդկան : Այս մի ՚ի հարուածս , և  
գետէ համբերել ցաւոց , զի դարձու  
ցեալ զերեսս իւր անարգեցաւ և ոչ  
ինչ համարեցաւ » : ԾԳ . 1, 2, 3 :

Ի բարձրժ տեղիս ՚ի մարգարէու  
Թեան Եսայեոց նախադուշակէ նա լի  
նին Բրիտանոսի Փրկիչ եւ Թագաւոր  
հեթանոսաց . նախ ՚ի գլուխ ԽԹ . հմ .  
6, 7. ասէ , “ Եւ ասէ ցնա մեծ է քեզ  
այդ . կոչել զքեզ ծառայ իմ , հաստա  
տել զազգան Յակովբայ , և զորուեալն  
Իսրայելի դարձուցանել : Ահաւասիկ  
եդի զքեզ յաւստ ազգի և ՚ի լոյս հե  
թանոսաց լինիլ փրկութիւն մինչեւ ՚ի  
ծագս երկրի : Այսպէս ասէ Տէր , որ  
փրկեացի զքեզ Աստուած Իսրայելի .  
սրբեցէք զայն , որ խտտէն զանձն իւր ,  
զազատեալն յազգաց , ՚ի ծառայցն իշ  
խանոց . Թագաւորք տեսցեն զնա՝ և  
յոսին կոյցեն իշխանք՝ և երկիրպա  
ցեն նմա վասն Տեառն . զի հաւատա  
րիմ է սուրբն Իսրայելի և որ ընտ  
րեաց զքեզ » :

Երկրորդ՝ ՚ի գլուխ ԽԳ . հմ . 1-6 .

ասէ , “ Եւ արդ՝ այսպէս ասէ Տէր Աս  
տուած , որ արար զքեզ , Յակովբ ,  
և ստեղծ զքեզ , Իսրայել . մի երկնչիւր ,  
զի փրկեցի զքեզ , և կոչեցի զքեզ զա  
նուն քո , Թէ իմ ես : Եւ եթէ  
անցանկցես ընդ ջուր , ընդ քեզ եմ .  
և գետք զքեզ մի ողորեսցեն . և եթէ  
անցանկցես ընդ հուր , մի այրեսցիս ,  
և բոց նորա զքեզ մի կիզեցէ : Զի ես  
եմ Տէր Աստուած քո սուրբն Իսրայե  
լի , որ փրկեմ զքեզ . արարի փոխանակ  
քո զԵգիպտոս և զԵւթովիա և բզ  
Սուհէն քեզ փոխանակեցի՝ ուստի և  
պատուական խի եղեր և առաջի իմ  
փառաւորեցար . և ես սիրեցի զքեզ ,  
և տաց զմարդիկ փոխանակ քո , և զիշ  
խանս փոխանակ գլխոյ քո : Մի երկն  
չիւր , զի ընդ քեզ եմ , յարեւելից ամից  
զղաւակ քո . և յարեւմտից ժողովեցից  
զքեզ : Ասացից հիւսիսոյ ամ , և հա  
րաւոյ մի արգելուր , ածէք զորդիս  
իմ ՚ի հեռաստանէ , և զգտտերս իմ  
՚ի ծագաց երկրէ » :

Երրորդ՝ ՚ի գլուխ ԽԲ . հմ . 6, 7. աս  
է , “ Յակովբ ծառայ իմ , օգնական ե

զէց նմա, Իսրայէլ ընտրեալ իմ, զոր  
 ընկալաւ անձն իմ, ետու զոգի իմ ՚ի  
 վերայ նորա, և իրաւունս հեթանոսաց  
 հանցէ: Մի ազաղակեցցէ եւ մի վիւ-  
 ճեցցի, և մի որ լուիցէ արտաքոյ ըզ-  
 բարբառ նորա: Այլ հանցէ ՚ի ճշմար-  
 տութիւն զիրաւունս, ծաւեսցէ և մի  
 խորտակեցցի, մինչեւ գիցէ յերկիր  
 զգատատան. և յանուն նորա հեթա-  
 նոսք յուսացցին: Այսպէս ասէ Տէր  
 Աստուած, որ արար զերկինս և կանգ-  
 նեաց զնա, և որ հաստատեաց զեր-  
 կիր, և որ ՚ի նմա. որ ետ շունչ մարդ-  
 կան որ ՚ի վերայ նորա, ոգի ամենե-  
 ցուն, որ կոխեն զնա. ես Տէր Աստ-  
 ուած կոչեցի զբեղ արդարութեամբ,  
 կալոյ զաջոյ ձեռանէ քումմէ, և զօ-  
 րացուցի զբեղ. և ետու զբեղ յուխտ  
 աղբին, և ՚ի լոյս հեթանոսաց: Բանալ  
 զաջս կուրաց, հանել զկապեալս ՚ի  
 բանտէ, ՚ի տանէ կապանաց, որ նըս-  
 տին ՚ի խաւարի: 7:

Չորրորդ՝ ՚ի գլուխ ԾԳ. հմ. 10.  
 ասէ. «Տէր կամի սրբել զնա ՚ի վերայ  
 անտի: Եթէ տաջիք և վասն մեղացն,

անձինք ձեր տեսցեն զգաւակ երկոյց-  
 նակեաց. և կամի Տէր ՚ի ձեռն նորա  
 բառնալ ՚ի ցաւոյ անձին նորա: 7:

Հինգերորդ՝ ՚ի գլուխ ԵԷ. հմ. 4, 5.  
 ասէ. «Վասն Յակոբաց ծառայի իմոյ,  
 և Իսրայէլի ընտրելոյ իմոյ, ես կոչե-  
 ցից քեզ զանուն ք», և ընկալայց ըզ-  
 քեզ, և դու զիս ոչ ճանեար: Եթէ ես  
 Տէր Աստուած քո, և չիք այլ որ, և  
 ծանկցեն յարեւելից եւ յարեւմտից  
 թէ չիք որ բաց յինէն: 7:

Վեցերորդ՝ ՚ի գլուխ ԿԵ. հմ. 15-  
 18. ասէ. «Զի թողջիք զանուն ձեր ՚ի  
 յագուրդ ընտրելոյ իմոյ, և զձեզ Տէր  
 ստատակեցցէ: Եւ ծառայից իմոյ կու-  
 չեցից զանուն նոր: Ար օրհնեսցի ՚ի  
 վերայ երկրի. զի օրհնեսցեն զԱստ-  
 ուած ճշմարիտ. և որ երդնուցուն ՚ի  
 վերայ երկրի, երդուլցեն յԱստուած  
 ճշմարիտ. զի մուսային զնեղութիւնս  
 սոռաջինս. և ոչ եւս անկցի ՚ի սիրտ  
 նոցա: Զի եղիցին երկինք նոր և երկիր  
 նոր, և ոչ եւս յիշեսցեն զառաջինսն,  
 և ոչ եւս անկցի ՚ի սիրտ նոցա: Այլ  
 սուրախութիւն և ցնծութիւն գոցեն

ի նմա, զոր ես հաստատեցից ր :

Զորրորդ՝ նախաձայնեալ է Մարգարէս զհանգչին ՚ի վերայ Քրիստոսի Փրկչին մերայ Հոգի Աստուծոյ և Հոգի իմաստութեան, և այն, ըստ այնմ թէ .  
 « Եւ բղետեցէ գաւազան յարմատոյն Յեսեայ . եւ ելլէ ծաղիկ յարմատոյ անտի : Եւ հանգիցէ ՚ի վերայ նորահոգի Աստուծոյ, հոգի իմաստութեան և հանձարոյ, հոգի խորհրդոյ և զուրութեան, հոգի գիտութեան և աստուածապաշտութեան, եւ լցցէ զնա հոգի երկիւզի Աստուծոյ : Ոչ ՚ի կարծ դատեսցի, և ոչ ըստ խօսից յանդիմանեսցէ, այլ արասցէ իրաւունս տընանկին, և յանդիմանեսցէ զսոնարհս երկրի, և հարցէ զերկիր բանիւ բերանայ իւրոյ, և հոգւով շրթանց իւրոյ աստակեսցէ զամբարխշտս : Եւ եղիցի արդարութիւն անեալ ընդ մէջ իւր . և ճշմարտութի պատեալ զիողս իւր ր : Եւայ . ԺԱ . 1-5 : Ա յս մարգարէութիւն է յայտնի նկարագրութիւն Քրիստոսի, որպէս գրի ՚ի Յովհաննու ՚ի գլուխ Գ . հմ . 34 . թէ . « Զի զոր Աստուած ա-

ռ աքեաց՝ զբանն Աստուծոյ խօսի . զի ոչ եթէ չափով տայ Աստուած զհոգին ր : Գարձեալ թէ . « Վկայեաց Յովհաննէս և ասէ, թէ տեսանէր զհոգին, զի իջանէր իբրեւ զազաւնի յերկնից . և հանգչիւր ՚ի վերայ նորա ր : Ի նոյն Ա . 32 : Եւ ՚ի Կողոսացիսն գրի . « Յորում՝ ամենայն գանձք իմաստութեան և գիտութեան ծածկեալ կան, այսինքն ՚ի Քրիստոս ր : Բ . 3 :

Հինգերորդ՝ նախագուշակէ Նայեաս նաև զպաշտօն Փրկչին աւետարանելոյ աղքատաց, քարոզելոյ գերեաց զթուրութիւն, եւ մխիթարելոյ զամենայն սգաւորս, և այն . ըստ այնմ թէ . « Հոգի Տեառն ՚ի վերայ իմ, վասն որոյ և օժ իսկ զիս . աւետարանել աղքատաց առաքեաց զիս, բժշկել զբեկեալս սրբախւք . գերեացքսրողել, զթողութիւն և կուրաց տեսանել, կոչել ամ Տեառն ընդունելի, և օր հատուցման Աստուծոյ մերոյ, մխիթարել զամենայն սգաւորս, տալ սգաւորաց Միոյնի փառքս . փոխանակ մխրոյն՝ օժումն ուրախութեան և սգաւորացն . հանդերձ

փառաց փոխանակ ոգւոցն վհատու-  
թեան ։ ԿԱ . 1-3 :

Այս ամենայն յայտնութիւնք կա-  
տարեցան ՚ի Քրիստոս , ըստ այնմ  
թէ . « Եւ ետուն նմա գիրս զԵսայեայ  
ճարգարէի . և յարեաւ ընթեռնուլ ,  
և իբրեւ եբաց զգիրսն , եգիտ զայն  
տեղի , յորում գրեալն էր , « Հոգի  
Տեառն ՚ի վերայ իմ , վասն որոյ և էօծ  
խի զնս , աւետարանել աղքատաց ա-  
ւաբեաց զիս , քարոզել գերեաց ըզ-  
թողութիւն , և կուրաց տեսանել , և  
արձակել զվիրաւորս . քարոզել զտա-  
րեկան Տեառն ընդունելի և զոր հա-  
տուցման : Եւ խիեալ զգիրսն ետ ջը-  
պաշտօնեայն և նստաւ . և ամենեցուն՝  
որք ՚ի ժողովրդեանն էին աչք , ՚ի նա  
հայեին : Եւ սկաւ տսել ցնտա . « Այս  
որ ըյան գիրքս այս յականջս ձեր » :  
Դուի . Գ . 17-21 :

Վեցերորդ՝ նախադուշակէ սա նաև  
գլխսպէս հրաշագործութենէն Քր-  
իստոսի , ըստ այնմ թէ . « Զօրացա-  
րուք ձեռք լբեալք և ծունկք կթու-  
յեալք , մխիթարեցարուք կարճամիտք

սրտիւք , զօրացարուք և մի՛ երկնիք :  
Ահաւասիկ Աստուած մեր հատուցա-  
նէ դատաստան , և հատուցէ , ինքնին  
եկեացէ և իրկեացէ զմեզ : Յայնժամ  
աչք կուրաց բոցոյն և ախանջք իը-  
լից լուիցեն : Յայնժամ վաղեացէ կա-  
ղն իբրեւ զեղջերու , եւ պարզ լիցի  
լեզու ծանրախօսից » : ԼԵ . 3-6 :

Ահա այս ամենայն կատարեցան ՚ի  
Քրիստոսէ Փրկչն մերոյ . ըստ այնմ  
թէ , « Իսկ Յովհաննէս իբրեւ լուաւ  
՚ի բանտէն զգործան Քրիստոսի , առա-  
քեաց ՚ի ձեռն աշակերտաց իւրոց :  
Եւ ասէ ցնա , Գու էս որ գալոյն ես ,  
եթէ այլում ակնկալուք : Պատաս-  
խանի ետ Յիսուս և ասէ ցնտա . Գը-  
նացէք և պատմեցէք Յովհաննու , զոր  
լուաք , և զոր տեսիք . Կոյրք տեսանեն ,  
կաղք ցնան , բորոտք սրբին , և խուլք  
լսեն և մեռեալք յառնեն , եւ աղ-  
քատք Աւետարանին » : Մար . ԺԱ .  
2-5 :

Եօթներորդ՝ նախադուշակէ Եսայ-  
եաս առաքեալն Քրիստոսի զԿարապետ  
և զառաջընթաց ՚ի պատրաստել ըզ-

Ճանապարհ գալստեան իւրոյ , ըստ այնմ թէ . « Զայն բարբառոյ յանապատի , պատրաստ արարէք զճանապարհս Տեառն , և ուղիղ արարէք ըզշաւիղս Աստուծոյ մերոյ : Ամենայն ձորք լցցին , և ամենայն լեռինք և բլուրքք խոնարհեցցին , և երեւեցցին ամենայն դժուարինք 'ի դիւրինս , և առապարտք 'ի դաշտս : Եւ երեւեցցին փառք Տեառն , եւ տեսցէ ամենայն մարմին զփրկութիւն Աստուծոյ , զի Տէր խօսեցաւ » : Խ . 3-5 :

Ի սմին նախաձայնեալ Զայն բարբառոյ յանապատի է սուրբն Յովհաննէս Մկրտիչ . որ եղև Կարապետ Քլարխատոսի 'ի պատրաստել զճանապարհ նորա , ըստ այնմ թէ . « Յաւուրսն յայնոսիկ գայ Յովհաննէս Մկրտիչ . քարոզել յանապատին Հրէաստանի : Եւ ասել՝ Ապաշխարեցէք , զի մերձեալ է արքայութիւն երկնից : Ձի սա է , վասն որոյ ասացաւ 'ի ձեռն Եսայեայ մարգարէի , որ ասէ . « Զայն բարբառոյ յանապատի , պատրաստ արարէք զճանապարհ Տեառն , և ուղիղ արա-

րէք զշաւիղս նորա » : Մատ . Գ . 1-3 :

Եւ յառաջին Տիմոթէոսի գրի . « Եւ յայտնի իսկ մեձ է խորհուրդ աստուածապաշտութեան , որ երեւեցաւ մարմնով , արդարացաւ հոգևով , յայտնեցաւ Հրեշտակաց , քարոզեցաւ 'ի հեթանոսս , հաւատարիմ եղև աշխարհի , և վերադաւ փառօք » : Գ . 16 :

Աւթերորդ՝ նախագուշակէ Եսայեաս . նստել վասն չորչարանաց և մահուան Տեառն , ըստ այնմ թէ . « Նա զմեղս մեր բառնայ . և վասն մեր չարչարի , և մեր համարեցսք զնա 'ի ցաւքս և 'ի հարուածս և 'ի չարչարանս իբրեւ յԱստուծոյ : Բայց նա վկրաւորեցաւ վասն մեղաց մերոյ . և պատմեցաւ վասն մերոյ անօրէնութեանց . խրատ խաղաղութեան մերոյ 'ի նմա . և նորա վկրօքն բժշկեցաք : Ամենքեան իբրեւ ոչխարք մուրեալք . այր 'ի ճառապարհի իւրում մուրեցաւ . և Տէր մատնեաց զնա առ մեղս մեր : Եւ նա առ վշտին ոչ բանայ զբերան իւր , իբրեւ ոչխար 'ի սպանդ վարեցաւ . իբրև որոջ առաջի կտրջի անմոռնչ կայ

այնպէս ոչ բանայ զբերան իւր : Առ-  
խանարհութեան նորա դատաստան  
նորա բարձաւ . և զազգատոհմն նորա  
ս պատմեցէ . զի բառնին յերկրէ-  
կեանք նորա . յանօրէնութեանց ժու-  
ղովրդեան իմոց ՚ի մահ մատնեցաւ :  
ԾԳ . 4—8 :

Յայտ իսկ է , զի այս ամենայն ըստ  
վկայելոյ Մատթէոսի ՚ի գլուխ ԻԶ—ԻԷ .  
« Կատարեցան ՚ի Քրիստոս » : Ըստ  
այսմ է եւ ՚ի Գործս Առաքելոց ՚ի  
գլուխ Ը . Հմ . 26—33 :

Հ . Երեմիա եւս մարգարէացաւ  
վասն Քրիստոսի փրկչին մերոց :

Պ . Այս , նա եւս խօսեցեալ է ինչ  
ինչ վասն Քրիստոսի . որպէս ՚ի գլուխ  
ԻԳ . Հմ . 5 , 6 . ասէ . « Ահա աւուրք  
դան , ասէ Տէր , և յարուցից Գաւթի  
ճագումն արդարութեան . և թաղա-  
ւորեցէ թագաւոր , և ՚ի միտ առցէ ,  
և արասցէ իրաւունս եւ արդարու-  
թիւն ՚ի վերայ երկրի : Յաւուրս նորա  
փրկեցի Յուդա և Իսրայէլ բնակե-  
ցի յուսով . և այս է անուն նորա , զոր  
կոչեցցէ նմա Տէր՝ Յովսեդեկ ՚ի մար-

գարէս արդարութիւն մեր » :

Զայն բան կրկնէ նաեւ ՚ի գլուխ  
ԼԳ . Հմ . 14—17 . այսինքն՝ « Ահա ա-  
ւուրք դան ասէ Տէր . և հաստատե-  
ցից զբանս իմ բարի , զոր խօսեցայ ՚ի  
վերայ տանդ Իսրայէլի , և ՚ի վերայ  
տանդ Յուդայ : Յաւուրս յայնօրիկ և  
՚ի ժամանակին յայնմիկ ճագեցից Գաւ-  
թի ճագումն արդարութեան , որ աւ-  
նիցէ իրաւունս և արդարութիւն երկ-  
րի : Յաւուրսն յայնօրիկ փրկեցցի Յու-  
դա . և Երուսաղէմ բնակեացէ յուսով .  
և այս է անուն զոր կոչեցցէ նմա Տէր .  
արդարութիւն մեր » : Են և այլ մար-  
գարէութիւնք սորա վերաբերեալ առ  
Քրիստոս , որոց ոմանք զետեղեալ կան  
յԱւետարանին սուրբ . որպէս այս  
բան , որ ՚ի գլուխ ԼԱ . Հմ . 15 . ասէ .  
« Այսպէս ասէ Տէր , ձայն ՚ի Հռամայ  
լսելի եղեւ , ողբումն և լալումն եւ  
գուժումն , Ռաբէլ լայր զորդիս իւր .  
և ոչ կամէր միտթարիլ ՚ի վերայ որդ-  
ւոց իւրոց , զի ոչ էին » : Մաթ . Բ . 18 .

Հ . Չինչ է եւ մարգարէութիւն  
Եղեկիէլի վասն Քրիստոսի փրկչին մերոց :

Պ. Սա նկարագրէ 'ի դէմն Գաւթի ծառայի Աստուծոյ լինելն Քրիստոսի հովիւ և թագաւոր Իսրայելի. ըստ այնմ թէ. « Եւ կացուցից 'ի վերայ նոցա հովիւ մի դժաւայ իմ զԳաւթի. և նա հովուեացէ զնոսա, նա եղիցի նոցա հովիւ : Եւ ես Տէր եղէց նոցա յԱստուած . և Գաւթի՞ ծառայ իմ իշխան 'ի մէջ նոցա » : Լ. Գ. 23, 24 :

Եւ այլըւր ասէ. « Այսպէս ասէ, Տէր Տէր, ահաւասիկ ես առնում ըզատունդ Իսրայելի 'ի միջոյ ազգացդ, յորս մտին 'ի նոսա, և ժողովեցից ըզգոսա յամենայն ազգաց, որք շուրջ զդքքք են, եւ տարայց զգոսա յերկիրն Իսրայելի : Եւ տաց զգոսա յազգ մի յերկրին իմում 'ի լերինսն Իսրայելի . և մի իշխան եղիցի 'ի վերայ ամենեցուն դոցա 'ի թագաւոր, և ոչ եւս եղիցին յերկուս ազգս, և ոչ եւս բաժանեցին յերկուս թագաւորս : Զի մի եւս պղծեցին 'ի կուռս իւրեանց, և մի 'ի գարշելիս իւրեանց, եւ յամենայն ամպարշտութիւնս իւրեանց . և փրկեցից զգոսա յամենայն անօրէնու-

թեանց դոցա, զոր մեզան 'ի նոսա, և սրբեցից զգոսա, և եղիցին ինձ ժողովուրդ, և ես եղէց դոցա յԱստուած : Եւ ծառայ իմ Գաւթի՞ իշխան 'ի մէջ դոցա, և մի հովիւ եղիցի ամենեցուն դոցա. զոր ըստ հրամանաց իմոց պընասցեն և զերաւուռնս իմ պահեացեն, և արասցեն զնոսա » : Լ. Ե. 21-24 :

Ըստ վրայութեան Աւետարանաց յայտ է, զի Քրիստոս եղև միայն հովիւ և թագաւոր Իսրայելի, ըստ այնմ թէ. « Պատասխանի ես նմա Նաթանայել և ասէ. Ռաբբի դու ես որդի Աստուծոյ, դու ես թագաւոր Իսրայելի » : Յով. Ա. 49 :

Գարձեալ, « Ես եմ հովիւ քաջ, հովիւ քաջ զանձն իւր դնէ 'ի վերայ ոչխարաց, և այն զկնի » . 'ի նոյն ժԱ. 11-18 :

Հ. Չի՛նչ էին եւ կանխաձայնութիւնք Գանիէլի մարգարէին վասն Տեառն մերոյ Յիսուսի Քրիստոսի :

Պ. Գանիէլ նկարագրէ զՔրիստոս որդի մարդոյ եկեալ ամպօք յերկնից . առեալ նմա իշխանութիւն, փառք և



Թագաւորութիւնք յաւիտեան . և թէ  
ամենայն ժողովուրդք և ազգք ծա-  
ռայեացեն նմա . ըստ այնմ թէ . « Տե-  
աանէի 'ի տեսեան գիշերոյ . և ահա  
ընդ ամպս երկնից իբրև որդի մար-  
գոյ դայր , և հասանէր մինչեւ 'ի հին  
աւուրցն . և մատուցաւ առայի նորա :  
Եւ նմա տուաւ իշխանութիւն և պա-  
տիւ և արքայութիւն . եւ ամենայն  
ազգք և ազնիք և լեզուք նմա ծառա-  
յեացեն . և իշխանութիւն նորա իշխա-  
նութիւն յաւիտեանական , որ ոչ անցա-  
նէ , և թագաւորութիւն նորա ոչ եղ-  
ծանիցի : Է . 13-14 :

Այսմ վկայի 'ի Մատթէոսի 'ի գլ .  
ԻԴ . 39 . եւ 'ի ԻԶ . 64 . թէ Քրիստոս  
է Որդի մարգոյ , և եկեացէ ընդ ամպս  
երկնից , ըստ այնմ թէ . « Եւ ոչ գիտա-  
ցին , մինչեւ եկն ջրհեղեղն և եբարձ  
զամենեւսին . այնպէս եղիցի և գալուստ  
Որդւոյ մարգոյ : Գարձեալ՝ ասէ ցնա  
Յիսուս . դու ասացեր , բայց ասեմ՝  
ձեղ , յայսմ հետէ տեսանիցէք զՈրդի  
մարգոյ նստեալ ընդ ալմէ զօրութեան ,  
և եկեալ ընդ ամպս երկնից » :

Է և կարի նշանաւոր թիւ դարձա-  
տեան Քրիստոսի ցուցեալ Դանիէլի 'ի  
Գաբրիէլ հրեշտակէն . այսինքն է . « Եւ  
մինչդեռ խօսէի յաղօթմն , և ահա  
այնն Գաբրիէլ՝ զոր տեսանէի յառաջ-  
նում տեսլեանն , թուուցեալ և մեր  
ձեցաւ առ իս իբրև 'ի ժամ երեկոյն  
պատարագին : Եւ խելամուտ արար  
զիս . և խօսեցաւ ընդ իս և ասէ , Գա-  
նիէլ , այժմ եկի խելամուտ առնել ըզ-  
քեզ : Ի սկզբան աղօթից քոյ ել պատ-  
գամ . և ես եկի պատմել քեզ , զի այր  
ցանկալի ես դու . արդ անձ զմտաւ  
ղբանդ . և 'ի միտ առ զտեսիլդ : Եւ  
թանաստուն եօթներորդք համառօտե-  
ցան 'ի վերայ ժողովրդեան քո և 'ի  
վերայ քաղաքին սբբոյ . 'ի վախճանիլ  
մեղաց , և 'ի կնքել անօրէնութեանց ,  
և 'ի քաւել ամբարշտութեանց , և 'ի  
գալ յաւիտեանական արդարութեան ,  
և 'ի կնքել տեսլեան և մարգարէի , և  
յօժանել սրբութիւն սրբութեանց »  
Թ . 20-24 :

Այս եօթնասուն շաբաթք են  
եօթնասուն անգամ եօթնաւորք , սրբ

ի մարգարէական բարբառ են չորս հարիւր և իննսուն ամբ, որ է թիւ գալստեան Քրիստոսի սիսեալ յիշխանութենէ Ննէմայ և ի նորագութենէ Երուսաղէմի եկեղեցւոյն Հրէից, որպէս և ի գալ Քրիստոսի այս ամենայն մարգարէութիւնք կատարեցան :

Ձայս թիւ գալստեան Քրիստոսի գեղեցիկս մեկնէ սբաղան Պօսուէ եւ պիսկոսորսն յասելն նորա. « Եցոյց Աստուած Գանիելի և զժամանակ գալստեան Որգւոյ մարդոյ՝ զՔրիստոսի ասեմ տենչալոյն ի յաւիտենից : Եցոյց եթէ զնորգ կատարելոց է ի նա գործ փրկութեան ազգի մարդկան : Իբրեւ այն ինչ սրատաղեալ զգերութեամբ ժողովողեան իւրոյ ի Բաբելոնի, և զեթանաստուն ամօքն յորս չափեաց Աստուած զգերութիւն նոցա . աղօթս մատուցանէր վասն աղատութեան եղբարոց իւրոց . թուեաւ մտօքն ի նկատել գերագոյն եւս գաղտնիս, ետեսայլ թիւ համարոյ ամաց . և այլ գերահրաշ աղատութիւն : Ընդ եօթանասուն ամայն՝ զորս ետես Երեմիա,

տեսանէ զեօթանասուն երրորդսն : Սկիզբն առնուն ամբ եօթներորդացս ի հրամանէ անտի երկոյնաձեռն Սբ. տաշխի վասն կառուցանելոյ գբաղաքն Երուսաղէմ, որ ամբառասներորդէր թագաւորութեան նորա : Առ ի կատարած եօթներորդայն նշանակէ յայտնապէս « Զբաւութիւն ամբարըշտութեանց, զթագաւորութիւն յաւիտենական արդարութեան, ըզկնքել տեսլեան և մարգարէութեան, եւ զօծութիւն սրբութիւն սրբութեանց » :

Զկնի վաթսուն և իննեօթներորդաց վարեացէ Քրիստոս զիշխանութիւն իւր և զառաջնորդութիւն ժողովողեան : Եւ յետ վաթսուն և իննեօթներորդացքանդի և մարգարէն երկրորդէ զայն « Բարձցի օծութիւնն » բռնամահ լիցի, և մատուցէ զանձն յողջակէզ ի լրումն խորհրդոյն : Յուշ առնէ մարգարէն ինամով զվերջին եօթներորդս, զի ի նմա մեռանիցի Քրիստոս, ի նբմա « Զօրացուցէ զուխոն և ի կէս նորին բարձցին սեղանք և պատարագ

արպէս յայտ է մահուամբն Քրիստոսի քանզի զինի մահու նորա ցուցանէ ըզգէպս իրացդ : Յետ մահուան Քրիստոսի և Համբարձման նուիրաց արհաւիրք և տագնապք յաճախեցեն կործանեցի քաղաքն սուրբ եւ սրբութիւնք . խաղասցէ 'ի վերայ նոցա ազգմի առաջնորդաւն հանդերձ ճնջել զամենայն , կացցէ սղծութիւն 'ի վերայ տաճարին , և ամայութիւն յետին եւ աննորոգելի գացէ զժողովուրդն՝ որ ապաշնորհ գտաւ առ փրկիչ իւր » : Վէպք աղբաց . Ա . հատոր . երես 353 - 354 :

Ո՛վ , սարսափ կաշնու զև , յորժամ զմտաւ ածեմ զհարուածն , որ ըստ կանխասացութեան Քրիստոսի եկն 'ի վերայ տիրասպան ազգիս սյտորիկ , ըստ այնմ թէ . « Ո՛չ մնացէ այդք բար 'ի քարի վերայ , որ ոչ քակտեցի » : Մատ . ԻԻ . 1 , 2 : Եւ եւս թէ . « Օճք՝ ճնունդք իժից , զնարդ փախնուցուք 'ի դատաստանէ գեհնեին » :

Վասն սյտորիկ ահաւասիկ ես առաքեմ առ ձեզ մարգարէս իմաստու

նրս և զդպիրս , և 'ի նոցանէ սպանանեցէք և 'ի խաչ հանեցէք . և 'ի նոցանէ տանջեցէք 'ի ժողովուրդս ձեր . և հալածիցէք 'ի քաղաքէ 'ի քաղաք : Արպէս զև եկեցցէ 'ի վերայ ձեր ամենայն արիւն արդար , հեղեալ յերկրի յարեանն Աբելի արգարոյն՝ մինչև ցարիւնն Չաբարիայ որդւոյ Բարոբոյ , զոր սպանիք 'ի մէջ տաճարին և սեղանոյն : Ամէն ասեմ ձեզ , եկեցցէ այն ամենայն 'ի վերայ ազգիս սյտորիկ :

Երուսաղէմ , Երուսաղէմ , որ կտարես զմարգարէս , և քարիճ առնես զառաքեալն առ քեզ , քանիցս անգամ կամեցայ ժողովել զմանկունս քո զոր օրինակ ժողովէ հաւ զձադս իւր ընդ թեւօք , և ոչ կամեցայք : Ահա թողեալ լիցի ձեզ տունդ ձեր աւերակ » . 'ի նոյն . ԻԳ . 33-38 :

Արգարեւ ըստ պատմութեան Յովսէփոսի և այլ ժամանակաց նորին այս ամենայն աւերածութիւն ազգիս կատարեցան 'ի ձեռն Տիտոսի ի լիսանին Հրուովմայեցուց , որ հիմնայտաակ արար զԵրուսաղէմ , սյրեաց զտաճարն կո

զարտեաց զսրբութիւնն և զազգն գըլ-  
խովին մատնեաց ՚ի սով, ՚ի սուր և ՚ի  
գերութիւն :

Ահա դատաստան արդար դատա-  
ւորին էած զարիւն արգարոյն ՚ի վե-  
րայ աստուածամարտ ժողովրդոցն, որք  
աղաղակէին առաջն Պիղատոսի և ա-  
սէին . « Արիւն դարա ՚ի վերայ մեր և  
՚ի վերայ որդւոց մերոց : Մ<sup>աթ</sup> . Ի Ե . 25 :

Հ . Չի՛նչ է հետագայ մարգարե-  
ութիւն վասն Քրիստոսի խօսեցեալ ՚ի  
սուրբ Գիրս :

Պ . Է մարգարեութիւնն Միքիայ .  
գի սա է որ կանխաձայնեաց զտեղի ծը-  
նընդեան Քրիստոսի և այլ շնորհաց նո-  
րին . ըստ այսմ թէ . « Եւ դու Բեթ-  
լէհէմ տուն Եփրատայ , սակաւաւոր  
իցես լինել ՚ի հազարաւորս Յուդայ ,  
՚ի քէն ելցէ ինձ ի շխան Իսրայէլի , և  
եւք նորա ՚ի սկզբանէ սուուրց աշխար-  
հի : Վասն այսորիկ տաց զնոսա մին-  
չեւ ՚ի ժամանակ ծննդականի . ճնյի ,  
և մնացորդք եղբարց նորա դարձցին  
առ որդիսն Իսրայէլի : Եւ կացցէ , և  
տեսցէ և հովուեսցէ հօտի իւրոյ զօ-

րութեամբ Տեառն , և ՚ի փառս ան-  
ուան Տեառն Աստուծոյ իւրեանց հաս-  
տատեսցեն » . գըլխ Ե . հմ . 2-4 :

Ըստ վկայելոյ Աւետարանչին յայտ  
է , զի Քրիստոս ծնաւ ՚ի Բեթլէհէմ  
Հրէաստանի , յաւուրս Հերովդէի ար-  
քայի . ահա մտքք յարեւելից եկին  
Յերուսաղէմ : Եւ ասեն՝ ո՞ւր է , որ  
ծնաւ արքայն Հրէից . զի տեսակ զաստղն  
նորա յարեւելք , և եկաք երկիր պա-  
գանել նմա : Եւ իբրեւ լուաւ արքայ  
Հերովդէս , խռովեցաւ և ամենայն Ե-  
րուսաղէմ ընդ նմա : Եւ ժողովեալ  
զամենայն Քահանայապետ և զԲոլորս  
ժողովրդեան՝ հարցանէ ՚ի նոցանէ , թէ  
ո՞ւր ծնանիցի Քրիստոս :

Եւ նոքա ասեն յնա ՚ի Բեթլէհէմ  
Հրէաստանի . զի այսպէս գրեալ է ՚ի  
ձեռն Մարգարէին : Եւ դու Բեթլէ-  
հէմ երկիր Յուդայ , և այլն որ զկնի :  
Մ<sup>աթ</sup> . Բ . 1-5 :

Ըստ այսմ և ՚ի Ղուկասու ՚ի գըլխ  
Բ . հմ . 3-7 . ուր ասէ . « Եւ երթա-  
յին ամենեքեան մտանել յաշխարհա-  
գիր յիւրաքանչիւր քաղաքի : Եւ եւ

Յովսէփի 'ի Գալիլէ 'ի քաղաքէն Նազա-  
րէթէ 'ի Հրէաստան 'ի քաղաք Գաւ-  
թի, որ կոչի Բեթլէհէմ: Վասն լինե-  
նոյ նորա 'ի տանէ և յազգէ Գաւթի:  
Մտանել յաշտարհագիր Մարիամու  
հանդերձ, որ խօսեցեալն էր նմա, և  
էր յղի: Եւ եղեւ 'ի հասանիլ նորա  
անգր, լլան աւուրք ծնանելոյ նորա:  
Եւ ծնաւ զՈրդին իւր անգրանիկ աս:

Հ. Եւ զի՛նչ է մարգարէութիւն  
Անգեայ վասն Քրիստոսի:

Պ. Ի Գլուխ Բ. հմ. 6-9. ասէ,  
“Եւ բանն՝ որ ուխտեցի ընդ ձեզ յե-  
լանելն յերկրէն Եգիպտացոց, և հոգի  
իմ որ կայ 'ի միջի ձերում քաջալերա-  
ցարուք: Զի այսպէս ասէ Տէր Ամե-  
նակալ. դարձեալ միւսանգամ շարժե-  
ցից զերկինս և զերկիր, և զծով եւ  
զցամաք: Եւ միւսանգամ շարժեցից  
զամենայն ազգս, և եկեսցէ ընտիր ըն-  
տիր յամենայն ազգաց, և լլուցից ըզ-  
առեւոր զայդ փառք, ասէ Տէր Ամե-  
նակալ: “Իմ է արծաթ, և իմ է ոսկի  
ասէ Տէր Ամենակալ աս:

Ըստ այսմ է և մարգարէութիւն

Մաղաքեայ, որ 'ի գլուխ Գ. հմ. 1.  
ասէ. “Ահա ես առաքեմ զՀրէշտակ  
իմ, և տեսցէ զճանապարհս իմ առա-  
ջի իմ, և յանկարծակի եկեսցէ 'ի առ-  
ճար ինքնին Տէրն, զոր դուք խնդրէք. և  
Հրէշտակն ուխտին, զոր դուք կամիք,  
ահաւասիկ գոյ ասէ Տէր Ամենակալ:  
Յայսմ Հրէշտակ ուխտին, զոր առա-  
քելոց էր Տէր, և զոր Հրէայք և հե-  
թանոցք խնդրէին և զոր կամէին, էր  
Մեսիայն ըստ ուխտի նախահարց իւ-  
րեանց Աբրահամու, Իսահակայ եւ  
Յակովբու աս:

Եւ Հրէշտակն՝ զորմէ ասէ, “Տեսցէ  
զճանապարհս իմ առաջի իմ, է սուր-  
բն Յովհաննէս Մկրտիչ կարապետ  
Քրիստոսի 'ի պատրաստել զճանապարհ  
նորա աս:

Հ. Եւ զի՛նչ է Մարգարէութիւն  
Զաքարիայ վասն Քրիստոսի:

Պ. Սա 'ի Մարգարէութեան իւ-  
րում 'ի զանազան տեղիս խօսի զայն-  
պիսիս, որք յայտնապէս վերաբերին  
առ Քրիստոս, զոր օրինակ.

Նախ՝ 'ի գլուխ Զ. հմ. 12-15.

ասէ . “ Եւ ասացես յնա , այսպէս առ  
սէ Տէր Ամենակալ . Ահա այր և ծա-  
գումն անուն նորա , և ՚ի ներքոյ իւրմէ  
ձագեսցէ , և շինեսցէ զտուն Տեառն :  
Եւ նա առցէ զքաջութիւն . նստցի և  
տիրեսցէ ՚ի վերայ աթոռոյ իւրոյ , և  
եղիցի քահանայն ընդ աջմէ նորա . և  
խորհուրդ խաղաղութեան ՚ի մէջ եր-  
կոցունց : Եւ պակիզ եղիցի այնոցիկ ,  
որք ակն ունին և պիտանեաց նորա և  
որոց ճանաչեն զնա . և ՚ի շնորհս որդ-  
ւոյ Սոփոնեսոյ , և յերգս տան Տեառն :  
Եւ հետ առուրք ՚ի նոցանէ եկեսցեն  
և շինեսցեն զտուն Տեառն . և ծանի-  
լիք , թէ Տէր Ամենակալ տուաբեաց  
զիս առ ձեզ , և եղիցի եթէ լսելով լը-  
ւիցէք ձայնի Տեառն Աստուծոյ մերոյ ” :

Երկրորդ՝ գուշակէ նա զգալուսս  
Քրիստոսի յԵրուսաղէմ իբրեւ զԹա-  
գաւոր նորա . ըստ այնմ թէ . “ Ու-  
րանս լեր յոյժ գուստր Սիօնի , քարու  
զեան գուստր Երուսաղէմի . ահա թա-  
գաւոր քո գայ առ քեզ , արդար եւ  
Փրկիչ . նոյն հեզ , հեծեալ ՚ի վերայ ի-  
շոյ և յաւանակի նորոյ ” : Թ . 9 :

Եւ այս է , որ գրի ՚ի Մատթէոս ՚ի  
գլուխ ԻՍ . հմ . 4 . թէ , “ Բայց այս  
ամենայն եղև , զի լոցի բան Մարգա-  
րէին : Ասացէք , գատեր Սիօնի , ահա  
Թագաւոր քո գայ առ քեզ , հեծեալ  
յեշ և յաւանակ իշոյ ” :

Եւ ՚ի Յովհաննու ՚ի գլուխ ԹԲ .  
հմ . 15 . ասէ , “ Մի երկնչիւր գուստր  
Սիօնի , ահաւաղիկ Թագաւոր քո գայ  
նստեալ ՚ի վերայ աւանակի իշոյ ” :

Երրորդ՝ մարգարէանայ սա զԹա-  
ղուլն Քրիստոսի զմեզս մարդկան , ըստ  
այնմ թէ . “ Յաւուր յայնմիկ եղիցի  
ամենայն տեղիս բացեալ տուն Գաւթի  
՚ի փոխխումն և ՚ի սրսիումն : Եւ ե-  
ղիցի յաւուր յայնմիկ բարձցէ Տէր  
զանուանս կոոյ յերկրէ , և ոչ եւս ե-  
ղիցի յիշատակ նոցա , և զտւտ մար-  
գարէան եւ զայսս պիղծս բարձցէ  
յերկրէ ” : ԹԳ . 1 , 2 :

Չորրորդ՝ նախաձայնէ սա նաև ըզ-  
ջարջարանաց Տեառն և զԹողուլն զնա  
յաշակերտացն և փախչին , ըստ այնմ  
թէ . “ Չարթիր սուր ՚ի վերայ հովուի  
իմոյ , և ՚ի վերայ առն ընկերի նորա ,

ասէ Տէր Ամենակալ. հարկց զհովիւն  
և ցրուեսցին խաչինքն, և դարձուցից  
զձեռս 'ի վերայ հովուաց » : ԺԴ . 7 :

Այսմ վրայէ և Աւետարանն սուրբ,  
զի 'ի ժամ մասնութեան Տեառն թու  
զին զնա աշակերտքն և փախեան, ըստ  
այնմ թէ . « Այս այս ամենայն եղև  
զի լցի Քրիստ Մարգարէիցն . յայնժամ  
աշակերտքն թողին ամենեքեան և փա-  
խեան » : Մատ . ԻՁ . 56 :

Հինգերորդ՝ նախաձայնէ սա և վա-  
սրն վաճառման Քրիստոսի երեսուն  
արծաթի, ըստ այնմ թէ . « Եւ ծանի-  
ցեն Քանանացիքն զնաչինս պահեստի  
իմոյ՝ զի բան Տեառն է : Եւ ասացի  
ցնոսա, թէ բարւոք թուի յաջ ձեր,  
տուք զվարձ իմ, ապա թէ ոչ զոյց  
արարէք : Եւ կռեցին զվարձ իմ երե-  
սուն արծաթի, և ասէ ցիս Տէր, արկ  
դու զայդ 'ի բոլս, և քննեան, թէ փորձ  
իցէ, որպէս և ես գտայ վարձ վասն  
նոցա, և առի զերեսուն արծաթն և  
արկի 'ի տուն Տեառն 'ի բոլս » : ԺԱ .  
11 - 13 :

Հաս այսմ է, որ գրի 'ի Մատթէոս

զԼ . ԻԷ . 9, 10 . ուր ասէ . « Յայնժամ  
լսաւ որ ասացաւ 'ի ձեռն Երեմիայ  
մարգարէին, առին զերեսուն արծա-  
թի զգին վաճառելոց, զոր առին յոր-  
դուցն Իսրայէլի . և ետուն զնա յագա-  
րակն բրտի . որպէս հրամայեաց ինձ  
Տէր » :

Վեցերորդ՝ նախաձայնեալ է սա  
և զհեղուէն Քրիստոսի զՀոգին Սուրբ  
'ի վերայ բնակչացն Երուսաղէմի, եւ  
զկոծելն բաղմոց 'ի վերայ նորա, ըստ  
այնմ թէ . « Եւ հեղոց 'ի վերայ տանն  
Գաւթի, և 'ի վերայ բնակչաց Երու-  
սաղէմի հոգի շնորհաց և գիտութեան :  
Եւ հայեսցին առ իս փոխանակ կարա-  
ւելոյն, և կոծեսցին 'ի վերայ նորա կոծ  
իբրեւ 'ի վերայ սիրելոյն, և աշխա-  
րեսցեն աշխար իբրեւ 'ի վերայ անդ-  
րանկան » : ԺԲ . 10 :

Ձկատարումն սոյն մարգարէու-  
թեան գրեալ է 'ի Գործս Առաքելոց  
'ի զրուս Բ . հմ . 33 - 38 . ըստ այնմ  
թէ . « Հողւոյն Սրբոց ընկալեալ 'ի Հօրէ  
սփռեաց զայս, զոր դուք իսկ տեսա-  
նէք և լէք : Արդ՝ ճշմարտիւ գիտաւ

ցէ ամենայն տունդ Իսրայելի, զի Տէր  
 զնա և օծեալ Աստուած արար զայն  
 Յիսուս, զոր դուք խաչեցիք : Եւ լը-  
 ւեալ զայս զըջացան ՚ի սիրտս իւրեանց,  
 և ասեն ցՊետրոս և ցայլ Առաքեալսն.  
 զի՛նչ գործեսցուք, ա՛րք եղբարք : Ասե-  
 ցնոսա Պետրոս ապաշխարեցէք, եւ  
 մկրտեսցի իւրաքանչիւր որ ՚ի ձէնջ  
 յանուն Տեառն Յիսուսի Քրիստոսի ՚ի  
 Թողութիւն մեզաց . և ընկալիք զա-  
 ւետիան Հոգւոյն Սրբոյ ։ :

Եւ ՚ի Ղուկասու գրի, « Եւ երթայր  
 զհետ նորա բազմութիւն ժողովրդեան  
 և կանանց, որք կօծէին և աշխարէին  
 զնա ։ : ԻԳ . 27 :

Հ. Յետ ապոյ քո զկարգ յոչնաւ  
 Թիւ մարգարէից յազգէ Եբրայեցւոյ  
 խօսեցեալ զգալտենէ և զնշանաւոր  
 հանգամանաց անձին Քրիստոսի, չիք  
 և յօտար ազգաց կանխասաց որ զՔրիս-  
 տոսէ :

Պ. Այ՛ ի՛ են երկու նշանաւոր ան-  
 ձինք, որք ոչ էին յազգէ Եբրայեցւոյ .  
 այլ կանխաձայնեալ են զայնպիսիս, որք  
 վերաբերին առ Քրիստոս, և այս երկու

անձինք էին Բաղասամ և Յովբ :

Հ. Չի՛նչ էր նախագուշակութիւն  
 Բաղասամայ վասն Քրիստոսի :

Պ. Երազեսցի ասէ աստղ Յակով-  
 բայ, և յարիցէ այր Իսրայելէ, և հար-  
 ցէ զնշանա Մովբայ . և առնէ զա-  
 ւար զամենայն որդիս Սէթայ : Եւ յա-  
 ըիցէ այր ՚ի Յակովբայ, եւ կորուսցէ  
 զապրեալսն ՚ի քաղաքէ անտի : ԹԻ՛ոյ  
 ԻԳ . 17, 18 :

Այսմ վկայէ Յայանութիւն Յով-  
 հաննու, զի Քրիստոս կոչի աստղ ա-  
 ռաւօտեան ծագեալ յազգէ Յակով-  
 բայ . և հարցէ զԹշնամիս եկեղեցւոյ,  
 առցէ զհեթանոսս ՚ի ժողովուրդ իւր,  
 եւ թագաւորեսցէ յաւիտեան . ըստ  
 այնմ թէ . « Ես Յիսուս առաքեցի ըզ-  
 շրեշտակ իմ վկայել զայս ձեզ եկեղե-  
 ցեացդ . ես եմ յարմատոյ և ՚ի Սէթէ  
 Դաւթի, և աստղ պոյծառ առաւօ-  
 տու ։ : ԻԲ . 16 :

Ըստ այսմ է և Սաղմոս Դաւթի,  
 որ ՚ի գլուխ Բ . հմ . 6-9 . ասէ . « Ես  
 կացի թագաւոր ՚ի նմանէ ՚ի վերայ  
 լերինն Սիօնի սրբոյ նորա ՚ի սպամել



զհրաման Տեառն: Տէր ասաց ցիս որ-  
դի իմ ես գու, և ես այսօր ճիւղ ըզ-  
քեզ: Խնդրեան յինէն և տաց քեզ  
զհեթանոսս ՚ի ժառանգութիւն, եւ  
յիշխանութիւն քեզ ընդ ամենայն  
ճագս երկրի: Հովսեփսցես զնոսա գա-  
ւազանաւ երկաթեաւ, որպէս զանօթ  
բրտի փղբացես զնոսա ։

Հ. Եւ զի՛նչ էր նշանաւոր յայս-  
նութիւն Յովբայ վասն Քրիստոսի:

Պ. Չի ՚ի գլուխ ԳԹ. ՀՄ. 25-27.  
ասէ. «Քանզի գիտեմ, զի մշտնջենա-  
ւոր է, որ լուծանելոցն է զիս յերկրի  
յարուցանել: Չմարթ իմ որ կրեաց  
զայս ամենայն, ՚ի Տեառնէ վճարեցաւ  
ինձ այս: Չար ես անձին իմում իրա-  
գէտ եմ, զոր ակն իմ էտես և ոչ այլ  
օր. ամենայն ինչ վախճանեցաւ ՚ի ճոց  
իմ ։»

Հ. Ե՛րբ կատարեսցի այս նախա-  
տացութիւն Յովբայ:

Պ. Յորժամ Քրիստոս Փրկիչն մեր  
եկեացէ յերկից ամառք և Հրեշտակօր  
յարուցանել զմեռեալս, դատել զաչ-  
խարհ ևւ յազմել թշնամեաց, յայն-

ժամ որդիքն՝ Աստուծոյ յարուցեալ  
մարմնովն տեսցեն զԱստուած զՔրիս-  
տոս Փրկիչն մեր Էմմանուէլ, որ է ընդ-  
մեզ Աստուած յայտնեալ ՚ի մարմնի:

Ըստ այսմ է և ՚ի Թեսաղոնիկեցւոյ  
՚ի գլուխ Գ. ՀՄ. 15, 16. ուր գրի.  
«Զի ինքն Տէր հրամանաւ և ՚ի ձայն  
Հրեշտակապետին և ՚ի փող Աստուծոյ  
իջանէ յերկից, և մեռեալք ՚ի Քրիս-  
տոս յարիցեն յառաջագոյն: Ապա և  
մեք՝ որ կենդանւոյն մնացեալ ենք, նո-  
քօք հանդերձ յափշտակկցուք ամ-  
պովք ընդառաջ Տեառն յօդս. և այն-  
պէս յամենայն ժամ ընդ Տեառն լինի-  
ցիմք ։»

Եւ յառաջին Կորնթացիսն ասէ.  
«Եւ ասպա կատարած, յորժամ տացէ  
՚ի ձեռս զթագաւորութիւն Աստուծոյ  
և Հօր. յորժամ խափանեացէ զամենայն  
իշխանութիւն եւ զամենայն պետու-  
թիւն և զօրութիւն: Զի պարտ է նը-  
մա թագաւորել, մինչև զիցէ զամե-  
նայն թշնամիս ՚ի ներքոյ ոտից իւրոց:  
Յետին թշնամին խափանի մահ. և զա-  
մենայն ինչ հնազանգ արար ՚ի ներքոյ

ուսից նորա » : ԺԵ . 24-26 :

Եւ եւս 'ի Տիմոթէոսի ասէ , « Եւ յայտնի իսկ մեծ է խորհուրդն աստուածապաշտութեան , որ երեւեցաւ մարմնով , արգարացաւ Հոգևով , յայտնեցաւ Հրեշտակաց , քարոզեցաւ 'ի հեթանոսս , հաւատարիմ եղեւ աշխարհի , և վերացաւ յերկինս » : Գ . 16 :

Ձեռն է տեսանել և յայս արանձալի բան Լամբրոնացւոյն յասելն նորա վաւրն Քրիստոսի Տեսուն մերոյ . « Եւ այն որ էջ 'ի մեռեալս՝ և ազատեաց զնուս , եկն առ կենդանիս և միսիթարեաց զնոսս : Պարտ էր զի ընծայեսցէ այնուհետեւ զպատարագն զոր առ յերկրէ՝ այնմ , որ հաճեցաւ ընդ նուիրելն նորա : Պարտ էր , զի 'ի ձեռն որ ստեղծ զմարդն անապահան , զիցէ զնոյն նորոգեալ ըստ առաջին վայելչութեան : Պարտ էր , զի արքային՝ ահարկու ելեալ թշնամեացն յաղթեաց , վիճակեցի նստիլ ընդամէ Հօր յաթոռ քահանայապետ յաւիտենից , և բարեխօս նմին քաւութեան : Պարտ էր առ հաւատչէի յուսոյն մտանել 'ի յեր-

կինս , որպէս զի մարդիկ 'ի նոյն խորութեալ 'ի նոյն փութացին օթեվանս : Պարտ էր , զի որոց շրջմբ 'ի մէջ օձից և կարճաց , եւ մահացու թուևիւքն խոցիմբ . լիցի արեամբն իւրով սրբիչ , և մեծի շնորհաց Հոգւոյն ընձեռիչ » : Ի ձառն Համբարձման :

Հ . Որպիսի կարեւորագոյն եւ յայտնի ճշմարտութիւնս կարեմբ իմաստասիրել յայս երկարածիգ կարգէ մարգարեութեանց վերաբերեալ առ Քրիստոս Փրկիչն մեր :

Պ . Արդէն յայտ է 'ի Սուբբ Գրոց , զի 'ի սկզբանէ աշխարհի՝ յորմէ հետէ մեղք և անկումն Ագամայ կալաւ զամենայն սերունդս նորա . և ազգ մարդկան եղեւ անիծեալ յԱստուծոյ . եւ յօրէ անտի իսկ սկսաւ շարունակ յաշորդութիւն մարգարէից տուեալ Աստուծոյ զգուշակումն խոստման իւրոյ , որ խոստացեալ էր առաքել զմեծահրաշ և մեծազօր փրկիչ մի , որ յայտնելոց էր յաշխարհի 'ի լման ժամանակին իբրեւ թագաւոր Խրայէլի և փրկիչ Հրէից և Հեթանոսաց . վասն որոց

ի դարս դարս ակնկալեալ լինէր նա  
 յայնց բարեպաշտ և սուրբ արանց,  
 որք ըստ կարի քաջածանօթ էին Սուրբ  
 Գրոց . մանաւանդ ՚ի դարուն՝ յորում  
 երեւեցաւ Քրիստոս : Ըստ այնմ թէ .  
 “ Եւ յարոյց զեղիւր փրկութեան ՚ի  
 մեզ ՚ի տանէ Գաւթի ծառայի իւրոյ :  
 Որպէս խօսեցաւ բերանով սրբոյն, որք  
 յաւիտենից մարգարէք նորա էին ” :  
 Ա . 1 . և . 69 , 70 :

Եւ ՚ի Գործս Առաքելոյ ՚ի գլուխ Գ .  
 հմ . 18—21 . ասէ . “ Ա . 11 Աստուած ,  
 որպէս յառաջագոյն պատմեաց ՚ի բե-  
 րանոց ամենայն Մարգարէից զսորջա-  
 բիրն Քրիստոսի իւրոյ . նոյնպէս և կա-  
 տարեաց : Արդ՝ սպաշխարեցէք եւ  
 դարձարուք ՚ի ջնջել զվեղս ձեր . որ-  
 պէս զի եկեցցեն ժամանակք հանգրու-  
 տեան Տեսուն . և առաքեսցէ զյառա-  
 ջագոյն զնկատեալն ձեր զՅիսուս Քր-  
 իստոս : Զի պարտ է յերկնից ընդու-  
 նիլ . մինչեւ ՚ի ժամանակս ամենեցուն  
 հաստատելոյ , զորոց խօսեցաւ Աստ-  
 ուած ՚ի բերանոց սրբոց իւրոց Մար-  
 գարէից :

Հ . Բայց այս կոչեցեալն Քրիստոս  
 որդի կուսին Մարիամու էր խկապեո  
 նոյն գերահարաշ և մեծաւոր անձն , ո-  
 ռում Հրէայք եւ Հեթանոսք ըսա-  
 խստաման Աստուծոյ ակնկալէին միշտ :

Պ . Այն , նոյն ինքն էր խոստա-  
 ցեալն Քրիստոս . քանզի այն ամենայն  
 մարգարէութիւնք , որք ՚ի վեր այսր  
 գրեցան վերաբերեալ առ Մեսիայն  
 կամ օծեալն յԱստուծոյ , այնք ամե-  
 նայն ըստ վկայելոյ Աւետարանչայն  
 կատարեցան ՚ի Քրիստոս առանց նշա-  
 նակեց մի անկանելոյ յօրինաց եւ ՚ի  
 մարգարէիցն . վասն որոյ ոչ մնայ մեզ  
 երբէք տեղի ինչ երկբայութեան , թէ  
 այս Քրիստոս Նազովթացի որդի Մա-  
 րիամու , զորմէ մինչեւ ցայս վայր գը-  
 րեցաւ , է նոյն ինքն խոստացեալն ՚ի  
 սկզբանէ աշխարհի Քրիստոս Փրկիչն  
 աղբի մարդկան և Գառն Աստուծոյ ,  
 որ եկն բառնալ զվեղս աշխարհի . վասն  
 որոյ “ Որ հաւատայ ՚ի նա , ոչ դա-  
 տապարտեսցի . և որ ոչ հաւատայ ՚ի  
 նա , արդէն իսկ դատապարտեալ է .  
 զի ոչ հաւատայ յանուն Միածին որ-

գւոյն Աստուծոյ » : Յովհ. Գ. 18 :

Հ. ԱՐԴ՝ ՚ի վերայ այս ուրեք ուրեք ՚ի պատասխանին հարցման իմոյ բերելիք դու զվիպուածիւն Աւետարանչացն, բայց ցանկալի է ինձ գիտել, եթէ իրաւագէտ գրողք Նոր Կտակարանաց նոյն չորեսին Աւետարանիչքն իցեն, այսինքն Մատթէոս, Մարկոս, Ղուկաս եւ Յովհաննէս՝ աշակերտք Քրիստոսի : Քանզի հեղինակ Գալիլաւ գրքով յորինեալ ՚ի Հորանդա, և այլք ոմանք համարձակին ասել, թէ Նոր Կտակարանն յայլոց հնարեալ իցէ, և ոչ յախանատես Առաքելոց գրեալ. և այն թէ յետ դարաւոր ամաց զինի համբառնալոյն Փրկչին մերոյ, որով և ոչ հաւատան յայնչափ հրաշագործութիւնան Քրիստոսի կատարեալ ՚ի ժողովուրդսն Հրէից :

Պ. Այդ է յնորք բանդագուշանաց, և ոչ մի ինչ հաւանութիւն յարդեանց իրացն, բանզի ընդ ամենայն երկիր վիպեն թէ, Աւետարանն Մատթէոսի նա ինքն գրեաց յԵրուսաղէմ քաղաքի ՚ի լեզու Եբրայեցի, զինի

ութ ամի համբառնալոյ Փրկչին ՚ի խնդրոյ եկեղեցւոյն Երուսաղէմի :

Աւետարանն Մարկոսի, նա ինքն Մարկոս հրամանաւ Պետրոսի վիմի գրեաց յԱղէքսանդր քաղաքի ՚ի լեզու Եգիպտացի զինի 15 ամի համբառնալոյ Փրկչին :

Աւետարանն Ղուկասու, նա ինքն գրեաց հրամանաւ Պողոսի յԱնտիոք քաղաքի ՚ի լեզու Ասորի, նոյնպէս ըզինի 15 ամի համբառնալոյ Փրկչին :

Եւ Աւետարանն Յովհաննու, նա ինքն Յովհաննէս սիրելի աշակերտ Քրիստոսի գրեաց զինի 53 ամի համբառնալոյ Փրկչին յԵփեսոս քաղաքի ՚ի խնդրոյ եկեղեցւոյն Ասեայ ՚ի լեզու Յոյն :

Այսմ վիպէ և սրբազան Պօսուէ եպիսկոպոսն յասելն նորա թէ. « Նոյնպէս և ճշմարտութիւն չորից Աւետարանչաց վիպ այն հակառակելի արձանացեալ կան քրիստոնէսոյք, հեթանոսք եւ հերետիկոսք : Միահամուռ ամենայն ազգ և ազինք՝ որք ընկալան զգիրան, և երազ երազ յեղին ՚ի բազ

մաճայն լեզուս , ոչ ինչ երկմտեցին  
վասն ժամանակին կամ վասն արանցն  
լոր գրեցին :

Այսոցիկ չ'ետուն ընդդէմ բանս  
և հեթանոսք . չեկաց հակառակ և կե-  
լաս , այն որ անդատին 'ի սկզբանէ  
մարտեաւ ընդդէմ աստուածեղէն գը-  
րոց : Չասոց ինչ և ամպարիշտն Յու-  
լիանոս՝ որ անդեկագոյն էր ամենայ-  
նի և հետազօտեաց զամենայն , որովք  
հնար ինչ էր նշաւակել զնոսա : Նաև  
բնաւ այլ որ 'ի հեթանոսոց ոչ խի-  
թաց երբէք ընդ այնս . այլ ամենեքին  
միաբան՝ որոց ընծայէին քրիստոնեայքն  
զնոսա ասացին յօրինողս գրոցն :

Ըստ նմին և հերետիկոսք՝ թէպէտ  
և տազնապէին 'ի բանից Աւետարա-  
նին , չը համարձակեցան ասել թէ այ-  
լոս ուրուք շարագրածք իցեն և ոչ ա-  
շակերտացն Քրիստոսի : Նա աւանիկ  
ոչ սակաւք 'ի նոցանէ ականատես էին  
եղելոցն . և որոց յանդիման իսկ գրե-  
ցան Աւետարանքն . վասն որոց եթէ  
հնար ինչ էր նենգութեան 'ի ներքս  
անկանել , հուպ ընդ հուպ նշաւակէր .

և անմարթ էր յաջողել այնմ : Վէպք  
ազգաց . Բ . հատոր . երես 203 , 204 :

« Մարգարէ յարուցից նոցա յեղ-  
բարց իւրեանց իբրեւ զբեզ . և տայ  
զպատգամս իմ 'ի բերան նորա , եւ  
խօսեսցի ընդ նոսա , որպէս և սլաւ  
ուիրեցից նմա : Եւ մարդ՝ որ ոչ լուի-  
ցէ . զոր խօսիցի Մարգարէն յանուն  
իմ . ես խնդրեցից վըճժ 'ի նմանէ » :  
Ի գիր Օրինաց ժԸ . 18 , 19 : Որ ունի  
ականջս լսելոյ լուիցէ :



1448  
« Ազգային գրադարան



NL0268288

1448

4



1406